


WANTOK



Namba 1703
 Wan Wik, Mas 15 - 21, 2007

Niuspepa Bilong Yumi Ol PNG stret!

K1 tasol
 long olgeta hap.

PNG Jenerel Ileksen 2007

**YU GAT...
 112**

De i stap bipo
 yu vot!



YU REDI PINIS?


**4-pela pes
 bilong Lo
 na Jastis
 Sekta i
 stap insait!**

Pes 19, 20, 21
 na 22

NRL Sisen dro insait!!



Polis holim pasim 'Blek Jisas' pinis



**Lukim stori
 long pes 3...**



LAIK SAVE: Jeneral Sekretari Clemence Kanau i autim tingting olsem PM i mas tok klia long wokmak bilong dispela wok painim.

Poto: NICKY BERNARD

PM mas tok klia

Polis Asosiesen no save long as tingting bilong wok painim aut

Paul Zuvani i raitim

aut dispela wok.

POLIS Asosiesen aste i singaut long Praim Minista Gren Sief Sir Michael Somare long tok klia long as tingting bilong kirapim wok painim aut i go insait long Polis Dipatmen.

Jeneral Sekretari bilong Polis Asosiesen Clemence Kanau i tok Asosiesen wantaim ol memba bilong em i no klia wanem as em Sir Michael i mekim dispela singaut na wanem samting ol lain i go het long wok painim bai mekim bihain long em i karim

"I nogat rong long dispela wok painimaut i kamap. Mipela i sapotim dispela singaut tasol mipela i laikim gavman i mas tok klia long as tingting bilong dispela singaut," Mista Kanau i tok.

Mista Kanau i tok dispela em i namba wan taim kain wok painimaut i kamap stat long taim kantri i kisim independens i kam inap nau na Asosiesen i laikim gutpela wok painimaut i mas kamap.

Moa stori long pes 3

OX & PALM

Since 1936

Em i liklik prais tu!!

I stap klostu long stua bilong yu...

Rait abus!



Gavman bai sapatim Helt na Edukesen

LONG namba wan Nesenel Eksekutiv Kaunsil (NEC) miting bilong em long Wewak, Is Sepik Provins Praim Minista Gren Sif Sir Michael Somare i tok gavman bilong em bai givim bikpela sapat long helt na eduksen.

Em i tok dispela tupela samting i bikpela na namba wan samting long laip bilong ol pipel.

Em i mekim dispela toktok long opim bilong miting we i kamap long Prins Charles Oval. Dispela miting i stat long aste na bai pinis long tude.

Welkam bilong ol memba bilong NEC i kam long ol skul pikinini bilong ol komyuniti skul long Wewak.

Long dispela kibung Sir Michael i tokim ol papamama olsem gavman bai helpim na baim 80 pesen bilong skul fi bilong ol pikinini bilong ol long dispela yia (2007).

Em i tok dispela gutpela samting i kamap long wanem, gavman i bin wok gut long ol yia i go pinis na nau i gat ikonmik rais.

"Dispela gutnius i kamap long wanem ol i bin gat gutpela tim wok namel long ol Minista bilong dispela gavman", Sir Michael i tok.

Sir Michael i tok moa olsem moni em bai i givim i kam long seples badjet (surplus budget) we gavman i bin makim pinis.

Em i tok i gat tupela seples badjet na i luk olsem wanpela moa bai go bipo long Palamen long narapela kibung bilong em.

Tambu tru long ol pater i go insait long wok politiks

Veronica Hatutasi i raitim

OL TOKTOK bilong Katolik Sios we hetman bilong Katolik Sios long Pot Mosbi Asdaiosis, Asbisop Sir Brian Barnes i makim sios na autim long ol kleji i laik go insait long politiks.

Dispela em bihainim sampela askim we Wantok i bin putim i go long ol sios lida long wanem 2007 Nesenel Ilekse i kam klostu.

Em i tambu long ol Katolik Sios kleji o wokman bilong sios olsem ol pater na bisop long go insait long wok politiks bikos ol i gat wok pinis long sevim pipel insait long sios ministri.

Na sapos pater i abrusim dispela lo na go insait long politiks, sios bai stopim em long karimaut wok pater we i karamapim autim tok, wokim misa lotu na givim ol Sakramen long tupela yia.

Hetman bilong Pot Mosbi Katolik Asdaiosis, Asbisop Sir Brian Barnes i tok dispela em i stap insait long "Canon Law" o lo bilong sios.

"Katolik Sios, wantaim 2000 yias ekspiens i agensim ol pater i go insait long politiks. Sios Lo i tok: "Em i tambu long ol kleji (pater, bisop) long karimaut pablik wok na sivil pawa". (Kous ov Kenon (Sios) Lo, 285:3). Tu, "Ol kleji i noken go insait long wok politiks...tasol we sios i lukim olsem em i gutpela long komyuniti, ol i ken autim tingting bilong ol o wokim toktok long en." (Canon Lo 287:2), Asbisop Sir Brian i tok.


Asbisop Sir Brian i tok, i gat gutpela astingting taim ol i ok ol pater i mas noken go insait long wok politiks.

"Sapos wanpela pater i agensim sios lo na bisop bilong em, bisop bai pinisim em long karimaut ol wok ministri long tupela yia.

"Singaut long kamap pater em i wok we em i mas mekim long sevim pipel na Bikman aninit long ministri bilong autim Tok bilong God, preia na pastoral wok namel long ol pipel. Tru, Pater gat fridom long toktok na karimaut wok wantaim olgeta pipel tasol dispela i no min olsem em i mas go insait long ol politikel pati o grup na ol independen lain," Asbisop i tok.

Em i tok i gat inap man nating i gat save na ekspiens long sevim kantri olsem ol Palamen memba na long nesenel, provinsel na lokal level.

Na em i tok pater i mas sanap long nutrel level o i no sapatim wanpela grup long sanap fri na toktok long ol samting i karamapim sosel jastis, stretpela pasin, ol rait na wok bilong pipel na komyuniti. Na tu long tokim pipel olsem lo na atoriti em ol bikpela samting na i gutpela



Asbisop Sir Brian Barnes

long lukautim pipel. "Pipel i noken putim presa long ol pater long go insait long politiks. Dispela em eria bilong ol lei pipel o ol man nating i no kleji. Sapos pater i lusim wok ministri bilong em, man nating i no inap long kism ples bilong em.

"Yumi nidim ol gutpela lida long PNG na dispela em long sivil na riljes eria. Na wan wan long ol i gat bikpela wok. Ol komyuniti long PNG i laikim ol pater olsem ol riljes lida bilong ol. Larim ol i painim ol narapela man na meri husat bai sevim olsem ol sivil lida." Asbisop Sir Brian i tok.



YUMI MAS BIHAINIM TINGTING NA PASIN BILONG KRAIS

Yumi man i gat strongpela bilip, yumi gat wok bilong helpim ol man i no gat strongpela bilip na karim hevi bilong ol. Yumi no ken ting long helpim yumi yet tasol. Yumi olgeta wanwan yumi mas wok long helpim ol brata, bai ol i ken kism gutpela pasin na bilip bilong ol iken kamap strong. Yumi save, Kraus tu i no bin ting long helpim em yet tasol. Pasin i kamap long em olsem buk bilong God i tok, "Ol man i bin tok nogut long yu, na dispela tok nogut bilong ol i pundaun antap long mi tu." Olgeta tok bipo ol i bin raitim long buk bilong God, em ol i bin raitim long skulim yumi. Dispela tok i bilong strongim bel bilong yumi na mekim yumi sanap strong na wetim God i kism yumi. **ROM 15: 1-4**

Anglikan Sios i no stopim ol pater long kamap politisen

ANGLIKEN Sios i no stopim pater long kamap politisen sapos em i gat stretpela tingting long wokim dispela disisen we bai helpim gro bilong komyuniti, ilektoret na kantri, hetman bilong Anglikan

Sios long PNG, Asbisop James Ayong i tok.

Tasol em i mas toktok wantaim bisop bilong em pastaim long tingting bilong em.

Dispela toktok i narakain long dispela

"Mi save olsem planti Kristen bai i no serim wankain tingting wantaim mi..." - Ayong

bilong tupela susa sios lida, Katolik na Luteran.

Asbisop James i tok Anglikan Sios i no putim ol kain askim long pater i laik sanap long poli-



Bisop Ayong

tiks, "bikos mipela i save olsem kaikai long ol wok em i mekim bai kamap long ples klia taim em i go insait long wok n sapos wok i gutpela o nogat, wok i kamap long lewa stret bilong em o nogat, em bai kamap long ples klia."

Asbisop James i tok Anglikan i no stopim pater long karimaut wok ministri bikos em i go insait long wok politiks bikos wok pater we em i kism i bihainim singaut long Bikpela na em i bilong laip.

"Mi save olsem planti Kristen bai i no serim wankain tingting wantaim mi tasol poin mi laik mekim em pater emm i sevan bilong God na i no kagoboi (slave) bilong God.

"Na ol politikel muvmen long wol i bin stat long sios bilong God na ol trupela politisen em ol sevan bilong God," Asbisop

James i tok.

Em i tok tru, wok pater em i bihainim singaut bilong God na em i lukautim spirituel n sosel jastis sait bilong pipel bilong em.

Tasol em i tok sapos part i pilim olsem samting insait long em i wok long kirapim bel bilong em long go insait long wok politiks na tru tru em i laik wokim samting long helpim pipel long gutpela lidasip, em i ken bihainim dispela.

Tasol em i mas toktok wantaim bisop bilong em pastaim long dispela, Asbisop James i tok.



The Annual General Meeting for The Bible Society of Papua New Guinea will be held on:

Date: Sunday, 25th March 2007
Venue: St. Joseph Catholic Church Hall
Starting Time: 1.00pm with Para-Liturgy then 1.30pm the AGM.

All are welcome!

For more information contact Bible House, Koki. Phone: 321 7893/321 0360

Komyunikesen Wokas Yunion straik i rong

SINGAUT bilong Komyunikesen Wokas Yunion long straik i kamap i no stret na i rong, Ekting Sif Eksekutiv Opisa Peter Loko na Atvaisea bilong Telikom Bod Clark Kuliniyasi i tok long wanpela pepa.

Tupela i tok menesmen bihain long ol toktok i kamap long nius long dispela wik olsem Yunion bai singautim ol memba bilong em long mekim wanpela straik sampela taim bihain long dispela taim i no bihainim rot na olsem i em no stret.

Tasol em i tok tenk yu long ol wokman husat i kamap na wok yet.

"Long ol husat i no kamap long wok na husat i wok long tingting long no ken kamap long wok em mensmen i singaut long ol i mas kamap gen long wok.

Em long wanem dispela sin-

gaut bilong stop long wok i no bihainim ol stretpela rot," Menesmen i tok.

Tupela i tok tu olsem ol pret toktok o samting egens long ol wokman husat i kamap yet long wok dispela tu i rong.

Tupela bos i tok em bai rong long ting olsem mensmen bai hariap tumas long bekim ol askim bilong ol.

"Ol wokman i mas gat bikpela tingting long helpim kantri, famili na kastoma na kam bek long wok. Menesmen i traim long mekim ol samting long save gut long foapela askim bilong Yunion na traim long bekim dispela ol askim.

Long dispela em i askim Yunion long givim sampela taim long ol long lukluk i go insait long dispela ol askim.

"Telikom em kampani bilong gavman we i sapatim ol wokman

bilong em long moa long 30 yia na olsem mipela i mas tok tenk yu long kantri na gavman na mekim ol samting long strongim long sapatim ol pikinini bilong mipela long bihain taim.

Dispela singaut bilong stop long wok i kamap long hevi em Yunion i gat long bipo Telikom bosman em David Waterhouse.

Tasol bihainim ol ripot long Yunion i laik singautim wanpela straik agens long stap bilong Waterhouse olsem bosman Waterhouse nau i pinis wok.

Gavman i makim Waterhouse long las yia long em kam bilong kamapim na strongim gen Telikom tasol taim i sot na olsem mak em gavman i laik long em i no kamap.

Bihainim pinis bilong Waterhouse Telikom Bod i makim Loko olsem Ekting Sif Eksekutiv Opisa.

**Sir Michael
mas tok
ples klia**

I kam long pes 1

Em i tok 4-pela samting em Asosiesen i laikim gavman i mas bekim long askim bilong ol. Dispela 4-pela samting em:

"TEMS ov Referens o wokmak bilong dispela wok painimaut. Gavman i mas tok klia long ol Tems ov Referens;

"OL memba insait long wokpainimaut tim i mas stap namel we wanpela i no ken gat sampela laik insait long wok bilong polis na em i no ken pas long sampela asua insait long Polis Dipatmen na Fos;

"TOKAUT long Taim Frem, wanem taim em dispela wok painimaut bai stat na wanem taim em bai pinis; na

"MAS i gat tok we bihain long dispela wok painimaut ol opisa husat i mekim asua i mas kisim mekim-save long ol rong ol i mekim.

Kanau i tok planti samting long Dipatmen na Fos i rong na Asosiesen i laik bai gutpela wok painimaut i mas kamap long tokaut klia long olgeta dispela ol hevi stat long menesmen i kam daun.

"Nau yet yu lukim planti hevi i kamap insait long Polis Fos we wanpela bos i tok pait wantaim narapela, ol polis opisa i kisim sait long wan wan ol bos, ol opisa we i mekim rong em sampela bos i kisim ol bek na olsem Polis Fos i no stap wanpela.

Em i tok Asosiesen bipo i gat gutpela wokbung wantaim menesmen tasol nau i save toktok tasol long telepon wantaim menesmen.

Nem bilong dispela wok painimaut em O'arise na Kanau i tok gavman i no ken singautim dispela wok painimaut bikos em i laik karamapim ol asua bilong em.

Em i tok gavman i tok i as bilong dispela ol tok pait insait long Polis Dipatmen long makim bilong Polis Komisina.

"Mipela i laikim gavman o ol memba bilong Palamen na minista i mas stap longwe long makim bilong Komisina.

"Dispela i mas stap long han bilong Pablik Sevis Komisen. Planti politik tumas long Polis Dipatmen," em i tok.

Dispela wok painimaut namel long ol arapela samting i kamap bihainim rekomendesen o stia Polis Rivyu tim i mekim long 2004 wok bilong em. Dispela Rivyu i kamap taim Bire Kimisopa i bin stap Minista bilong Polis na Sinia Inspekta Joseph Gawi i go pas long en. Long dispela as praim minista i askim em long go pas long dispela tim husat bai mekim wok painimaut.

Madang polis holim pasim 'Blek Jisas' pinis

Mina Evara i raitim

MADANG polis i holim pasim pinis dispela man husat i kolim em yet 'Blek Jisas'.

Moa long 500 manmeri bilong Madang taun i bin pulap long Jomba Polis Stesen long aste (Trinde) apinun long lukim dispela man Steven Tari husat i save kolim em yet long "Blek Jisas".

Tari bin kamap long han bilong polis bihain long ol lain long ples Metepi, long Transgogol eria, i bin holim pasim em na givim em long polis.

Taim polis kar i karim Tari i kam stop na polis i tokim em long sanap bai ol pipel i lukim pes bilong em, ol manmeri husat i belhat long em long pasin em mekim i singaut long ol kilim em.

Sampela i spetim buai long em na ol arapela i tok nogutim em bipo long ol i kisim em i go insait long rum gat.

Ripot we Wantok i kisim em olsem Tari i bin go stap long ples Metepi tupela wik i go pinis.

Em bin go silip long haus bilong wanpela tisa taim ol ples lain husat i belhat pinis long ol nogut pasin na giaman lotu we em save mekim.

Ripot i kam olsem em bin silip i stap taim samting olsem 8-pela man i brukim haus we em silip long em, holim pas em na taitim han lek bilong em long rop.

Wanpela man long ples i bin ron i go antap long wanpela klia ples na yusim mobail fon long ringim polis long aste apinun.

Samting olsem siksipela polis i bin kisim kar na bihain wokabaut i go long ples Matepi we ol i kisim Tari kam aut.

Sampela ples lain tu i bin wokabaut wantaim ol polis i kam long ples Kogul long aste apinun na givim Tari i go long han bilong Provinsel Polis Komanda Anthony Wagambi (Jnr).

Mista Wagambi bin autim bikpela tok amamas bilong em long ol ples lain long sanap strong na holim pas dispela man.

Em i tok em i bagarapim planti yanpela meri na givim bikpela sem long ol Madang na kantri.

Em i tok polis yet i nonap long holim pasim em na em i amamas long pasin ol lain long Matepi i mekim.

Polis redi long ileksen


KOMANDA bilong Spesel Sekyuriti Operesen long Hailans Rijen Asisten Polis Komanda Geoffrey Vaki i singaut long ol sevisman na meri long ol i mas putim tingting bilong ol long wok bilong ol tasol.

Dispela singaut em i mekim long tripela ol sekyuriti fos em long ami, polis na koreksinol sevis.

Em i mekim dispela singaut long taim planti toktok i wok long kamap olsem 2007 Jeneral lleksen bai no inap kamap gut long wanem ol tripela fos i no stap gut na sanap strong.

Komanda Vaki i tok em i bikpela samting long ol sevisman na meri long ol i stap longwe ol toktok na pasin bilong politik na stap olsem namel man na meri.

"Stap longwe long politik na putim wok bilong yupela i go pas," Vaki i tok taim em i givim toktok long paret we i lukim Koreksinol Sevis, PNG Difens Fos na Polis i mas long Mendi, Sauten Hailans Provins long dispela wik.



TRAUTIM DAS:

Bikpela maunten paia long Is Nu Briten Maunten Tavurvur i bin trautim moa das long Sande i go pinis na i bin bagarapim ol ples long Rabaul na Kokopo eria. Tasol i laki tru olsem ren i bin pundaun bihain na i daunim hevi bilong das liklik.

POTO NA STORI: MAISAN PAHUN

Lo progrem bilong helpim komyuniti

Noreen Dada i raitim

BIKPELA mak insait lo bilong Papua Niugini (PNG) i kamap we bai lukim ol loya wok insait ol distrik na rurel eria long bringim lo sevis moa klostu long ol pipel.

Aninit long wanpela wan bel tok namel long Nesenel Volentia Sevis (NVS) na Komyuniti Jastis Laiasen Yunit (CJLU), wanpela progrem bai kamap long lukim ol loya stap na raun insait ol distrik long givim lo sevis.

Dispela ol sevis em helpim long kisim ol kot fom, aweanes long lo, stretim hevi ausait long kot haus, givim skelim ripot bipo disisen bilong kot i kamap na givim sapot na makim ol lain husat go long kot insait Distrik Kot level.

Long Fonde las wik NVS na CJLU lonsim dispela progrem we Siaman bilong NVS, Jastis Timothy Hinchcliffe tok em namba wan taim dispela kain program i kamap long sait bilong autim tru lo

sevis.

Ol bai traim pastaim dispela projek insait long Bulolo na Kainantu na sapos i ron gut Jastis Hinchcliffe tok i gat gutpela sans ol bai kamapim wan kain progrem insait ol arapela distrik.

Minista bilong Komyuniti Developmen Dame Carol Kidu wantaim Pablik Solisita Frazer Pitpit i bin stap long lukim lons bilong lo progrem we i kamap long Mosbi.

Wokim wok painimaut insait MRA: MP Kare

...I no stret wantaim toktok long Fainens Ekt


MEMBA bilong Wewak Kimson Kare i askim Gavman long wokim wok painimaut i go insait Minarel Risos Atoriti (MRA) we em tok sampela lain ausait wok long yusim operesen bilong atoriti long 'winim laik bilong ol yet.'

Mista Kare tok long Gavman Gaset namba 624 bilong 21 Februari 2007, ol senisim na kamapim nupela prodaksen levi bilong maining sekta insait kantri long 0.25% bilong ol bikpela main na 0.25% bilong mani mak bilong gol ol salim ausait long PNG.

Mista Kare go het long tok toksave Minista bilong Maining Sam Akoitai i givim long olgeta peimen bilong ol levi, fi na royalti we wanpela Stet Entaprais i sasim insait wanpela praivet akaun i no nupela samting.


Tasol Mista Kare sutim tok olsem dispela i ken 'brukim lo' bikos em i no stret wantaim toktok insait long Pablik Fainens (Menesmen) Ekt bilong 1995 na askim Gavman na Dipatmen bilong Fainens long lukluk insait dispela na wokim wok painimaut hariap.

WELDING PRODUCTS SPECIAL




K649.00

160AMP ARC WELDER WITH ACCESSORIES KIT




K42.46

WELDING HELMET WITH FLIP UP LENS




K36.30

ELECTRODE HOLDER 500AMP



K15.00

EARTH CLAMP 500AMP



BISHOP BROTHERS
everything for industry
www.bishopbros.com.pg

| PORT MORESBY | LAE | PORGERA | MT HAGEN | MADANG | KIMBE | RABAU | VANIMO |

ALL PRICES INCLUDE GST

Gavman mas givim projek fanding bilong ol ilektoret

DEPUTI Oposisen lida na Mema bilong Namatanai, Byron Chan, i kros-long gavman long i no inapim promis bilong ol long fanding o givim mani long kamapim ol projek.

Mista Chan i toktok long Spesel Distrik Dvelopmen Gran (SDDG) we ol bin katim samting olsem K200,000 i go long ol projek long 2005 na K100,000 long 2006.

Em i tok sampela memba i no kisim ol mani yet olsem gavman i bin tok na katim aninit long Opis bilong Rurel Dvelopmen.

"Mi save olsem ol Palamen Mema na ol Join Distrik Plening Baset Praioriti Komiti (JDPBPC) i gat ol praioriti o bikpela projek ol i plenim wantaim dispela mani tasol ol lain i wok long ol gavman

dipatmen i no bihainim toktok bilong gavman na givim ol mani bilong ol projek," Mista Chan i tok.

Taim em i luksave long nau Fainens na Plening Minista long go hetim ol projek aninit long 2007 Dvelopmen Baset, em i sutim tok long ol pastaim Fainens Minista i no karim aut ol tok promis long dispela samting.

"Mi ting olsem wanpela as dispela i kamap em long sait bilong politiks we ol lain long gavman i kisim ol mani bilong ol na ol oposisen lain i nogat," em i tok.

"Mi mas toksave gen long gavman na ol gavman dipatmen olsem wokim wankain long ol palamen memba na givim mani long samting olsem 50 ilek-tret we i no kisim ol projek fanding bilong ol.

Ol Fiji soldia sanap long kot long Bogenvil

Veronica Hatutasi i raitim

KOT bilong 4-pela Fiji soldia long Bogenvil bai kamap neks wik Trinde, Mas 21.

Dispela em bihain long ol i surikim i kam long las wik Trinde bilong wanem jenereta bilong kamapim pawa long Buka i bagarap.

Jolame Gukirewa, Manasa Dumuloto, Kalivati Dau na Aliko Moroch i kisim tupela sas na i wetim Nesenel Kot long Buka skelim ol dispela sas.

Sas namba wan em ol polis i sasim ol long trenim na helpim

long kamapim iligel ami. Dispela em long givim trening long ol yangpela man long Tonu, Siwai olsem ol sekuriti bilong U-Vistrak kon kwik mani skim bos, Noah Musingku, long moa long tripela krismas ol bin stap long Tonu, sautwes Bogenvil.

Dipatmen bilong Foren Afeas, Maigresens Divisen tu, i bin sasim ol soldia long ol i brukim lo long abrusim taim bilong ol long stap long Bogenvil na Papua Niugini (PNG).

Otonomes Bogenvil Rijen (ABR) polis bos Joseph Bemu i tok loya bilong ol soldia husat i

kam long opis bilong Pablik Solisita long Rabaul, Is Nu Briten Provins i stap pinis long Buka.

Mista Bemu i tok em i salim planti toksave pinis long Redio Bogenvil, Redio Nu Silan na ABC Tok Pisin sevis long Redio Australia i go long Musingku long lusim laspela Fiji soldia, Maloni Namoli, husat i stap yet long Tonu kam aut.

Tasol i kam inap nau, nogat wanpela bekim i kam, em i tok.

Bikpela samting we ol dispela soldia i stap long Tonu em long wetim mani bilong ol long Mista Musingku na U-Vistrak.



ANINIT LNG DIWAI I NAIS MOA:
Dispela ol diwai i givim gutpela ples long ol pipel i hait long san n sindaun maket na malolo long Kimbe, Wes Nu Briten Provins.
FAIL POTO

Byron Chan salensim Ombudsmen Komisen

OMBUDSMEN Komisen (OC) i kisim salens sapos ol komon.rol i redi long karimaut 2007 nesanel ileksen.

Deputi Oposisen lida na lida bilong Pipels Progres Pati (PPP) na Mema bilong Namatanai, Byron Chan, i wokim dispela salens bihain long ol ripot olsem nem bilong planti vota long Tanga Ailan i no stap long ilektorel rol.

Pastaim pablik sevan, Mista Sipian na nau Kodineta bilong PPP i bin tokaut long dispela samting we Mista Chan i tok long en.

"Ol dispela ripot i bikpela samting na mak bilong ol nem bilong pipel i no stap long ilektorel rol i bikpela na dispela i ken kamapim hevi long ol ileksen long wod level, open ilektoret na rijinel sit.

"Mi salensim OC long dispela asua we i no kamap long Nu Ailan tasol long ol narapela hap bilong kantri.

"Mi laikim bai OC i karimaut wok long rausim ol korap pasin bilong ol lida na Limitid Preferensel Voting (LPV) Sistem i wok gut," Mista Chan i tok.

Em i bilip olsem OC inap mekim bikpela wok moa long dispela ileksen na dispela i ken stat wantaim ol ilektorel rol na lukim olsem ol manmeri bilong dispela kantri i yusim rait bilong ol long vot.

Em i skruim tok i go moa olsem Papua Niugini Ilektoel Komisen (PNGEC) i mas glasim gen Ilektoel Rol long lukim olsem olgeta samting i stret na abrusim salens bihain long ileksen i pinis.

Ol Hoskins Welpam Groa laik stopim wok

WELPAM Groas Asosiesen (HOPGA) long Hoskins, Wes Nu Briten na ol patna bin bung tude long Kimbe Indipenden Pak long toktok long wanem rot bai ol i bihainim long stretim wari bilong ol.

Dispela bung i bihainim Nesenel Kot Oda we Nu Briten Welpam Kampani (NBOPL) i bin kisim long stopim ol long pasim wok bilong NBOPL na Welpam Industri Koporesen (OPIC) i operet long Hoskins eria.

HOPGA i bin wokim dispela toktok long pasim operesen bilong welpam indastri bihain long Nesenel Kot na NBOPL i no bin inapim ol askim bilong ol groa.

Deputi Siaman bilong HOPGA, Fabian Koare i tok polis i bin givim ol oda long karimaut tingting bilong ol long stopim welpam bisnis operesen long las Fonde, maski ol bin pasim sampela toktok wantaim Provinsal Edministreta, Polis Komisina na ol groa.

Long dis-pela bung, ol groa i bin wanbel long rausim tok lukaut long stopim operesen bilong welpam bisnis.

"Mipela i bin wanbel long rausim ol dispela toktok bilong mipela bihain Agrikalsa na Laipstok Minista Sasa Zibe i bin givim wanpela stetmen na askim ol groa long stap isi na larim gavman i lukluk long wari bilong ol," Mista Koare i tok.

- Pila Wasu i raitim

Tok lukaut long stap longwe long Tavurvur maunten paia

Pila Wasu i raitim

OL pipel husat i stap klostu long maunten paia Tavurvur long Rabaul, Is Nu Briten Provins, i kisim tok lukaut long stap long we long eria.

Rabaul Volkenolojikel Obsevetori (RVO), em opis we i save monitaim o putim was long wok bilong maunten paia long ol provins bilong Is na Wes Nu Briten i autim dispela tok lukaut bihain long ol i rekodim 11-pel pairap long maunten paia insait long 2-pela de.

Opis i putim strongpela tok lukaut long ol pipel i stap klostu long maunten paia bilong noken go klostu bikos em i no seif bikos ol pairap i wok long kamap yet.

RVO i tok bikpela pairap stret i bin kamap long las Sarere we i bin mekim ples i go tudak na spetim tu bikpela waitpela es o pipia das.

RVO i tok ol nois na pairap i wok long kamap na go het bihainim strong bilong ol pipia samting i

kamaut long hul bilong maunten paia.

Opis i tok tu olsem ol das i wok long pundaun na karamapim Tokua we ples balus i stap long en n Kokopo Taun.

RVO i tok mak bilong ol pairap long maunten paia we i wok long kamap i no bikpela na mak i stap daunbilu.

Opis i tok ol guria we i wok long kamap i bihainim ol pairap we i spetim ol das na ol arapela pipia i kamaut.

RVO i tok em i no rekotim ol bikpela guria tasol wanpela we ol i kamap long las Tunde em i go long longpela taim, long mak bilong 7-pela minit.

Opis i tok dispela guria i kamap bihainim ol ges i muv nabaut long nek bilong maunten paia.

Opis i wok long was gut tru long wok bilong maunten paia na situesen o stap bilong em.



Air Niugini now makes domestic travel more affordable

HAGEN POM RETURN	K485.30*
POM GOROKA RETURN	K493.00*
LAE POM RETURN	K390.70*
POM MADANG RETURN	K477.60*

* Return Fare inclusive of taxes & surcharges. Conditions apply

Contact your nearest Travel Agent, Air Niugini Sales Office or book online at www.airniugini.com.pg



P/M19320E

Call Toll Free 180 3444 now

Kananam pipel agensim Marin Pak

Veronica Hatutasi na
Michael Novingu
i raitim

OL pipel bilong ples Kananam long Madang Provins i no amamas long RD Tuna na wanpela kampani bilong Filipins we i gat plen long kamapim wanpela Marin Industriyel Pak long graun na solwara (kastomeri graun) bilong ol Kananam.

Dispela Marin Pak em RD Tuna kampani, Madang Provinsel Gavman na Nesenel Fisaris Atoriti laik kirapim wok kamap long lukautim ol tuna pis na salim i go long wol maket we bai kamapim moa helpim long bisnis, ol asples na tu long givim luksave long Papua Niugini (PNG) long wok bilong pulim tuna pis.

Ol pipel i no amamas na ol i tok ol asples man i no bin laik long sainim wanbel tok (memorendam ov andastending o MOU) long kamapim dispela projek.

RD Tuna i bin raitim draf MOU na ol pipel i sutim tok olsem dispela MOU i no stret na dispela i stap long

wanpela petisen Kananam komyuniti i bin givim i go long RD Tuna.

John Wasao bilong Seg wanpisin i tok olgeta yut na komyuniti i laik save as RD Tuna kampani i wok long redim visa na paspot bilong ol dairekta bilong ol papa-graun we ol i no makim ol pipel long wanpisin na komyuniti i go long Filipins.

Kananam komyuniti i no amamas long wakabaut raun bilong dispela lain i go long Filipins, em i tok.

Nau yet i gat bikpela hevi i stap we RD Tuna i bosim olgeta na i no kam long bringim developmen bilong mipela asples papagraun, em i tok.

Ol pipel, manmeri, lapun na yangpela i singaut i go long RD Tuna Fishing na kampani grup long stopim dispela wokabaut raun bilong ol i go long Filipins na stretim hevi we i stap na ol i sainim MOU na bihain ol i ken go.

Mista Wasao i tok ol komyuniti na Sek wanpisin bai salensim dispela tingting bilong Industriyel Marin Pak

we ol i laik wokim long kastomari o tumbuna graun long marin eria long Vidar.

Ol bikpela lida tu is sapatim tru bel wari bilong ol yut na olgeta meri, pikinini.

Francis Gem em Siaman bilong IDAWAD Asosiesen i wanbel long kain pasin bilong komyuniti long luksave long "developmen" i wok long bagarapim solwara bilong ol na tu, sindaun bilong olgeta manmeri long Kananam.

Mista Gem i tok, "hevi bai i go nogut sapos RD Tuna i kisim 6-pela man bilong Kananam husat i save pas gut wantaim kampani.

Long wankain taim tu, Mista Gem i tok sapos RD Tuna i yusim dispela hap solwara long kamapim wok long lukautim pis, dispela i ken givim bikpela bagarap tru- ol pikinini bilong mipela bai mekim wanem long 20-pela yia i kam bihain?"

Mista Gem go het long tokim *Wantok Niuspepa* olsem em i no bilip olsem ol pipel bai i no inap kisim helpim long dispela projek.

Volentia mekim gut wok



VOLUNTIA WOK: Ol dispela volentia i helpim long kuk. FAIL POTO

LONG kamap volentia yu mas gat dispela tingting long helpim ol arapela manmeri taim birua i bungim ol.

Esia Pasifik Volentiaring Developmen Opisa, Valli Ponniah bilong Red Cross Intanesenel Federesen na Red Crescent Sosaiti long Malaysia i autim dispela tok long ol volentia bilong Madang Red Cross long las wiken.

Mis Ponniah tok ol bin karim aut wok painimaut long kamapim gutpela wok volentia bilong Red Cross long 7-pela nesenel sosaiti long Saut Esia na Saut Is Esia na i soim olsem ol volentia i karim aut gutpela wok wantaim tu ol wan wok bilong ol long Amerika na Yurop.

Long dispela wok painimaut, ol lukim olsem ol i laikim moa volentia long helpim

ol pipel husat bungim birua insait ol kain hevi olsem maunten paia, tait wara, graun bruk na ol arapela hevi.

Mis Ponniah i go het long tok dispela ol wok painimaut ol wokim bai ol givim go long ol save man bilong lukautim disasta (bagarap we i save kamap insait envaironmen) long Red Cross Nesenel Sosaiti na PNG Red Cross Sosaiti na ol arapela sosaiti long ol memba kantri.

"As tingting bilong dispela wok painimaut i bilong painim rot long strongim wok bilong ol Red Cross volentia long PNG na ol arapela hap bilong wol we i gat 97 milien volentia i stap," Mis Ponniah tok.

Michael Novingu i raitim



NCDC - LAND TAX

- WANEM SAMTING EM LAND TAX?** Em i wanpela takis Siti Kaunsil i save sasim olgeta yia long olgeta hap graun i stap insait long boda bilong NCD. NCDC i gat tok orait long sasim dispela graun takis aninit long NCDC Act 2001 na Land Tax Regulation 1991.
- LAND TAX EM I WANKAIN OLSEM LAND RENT?** Nogat, Land Tax o graun takis em i narakain olgeta long Land Rent. Land Rent em Nesenel Lands Dipatmen i save sasim bilong ol stet lis bilong olgeta hap graun aninit long lo bilong PNG. Land Tax em NCDC i save sasim bilong olgeta hap graun insait long NCD tasol.
- BILONG WANEM NA SASIM LAND TAX?** NCDC i save sasim na kolektim Land Tax olsem wanpela rot bilong mekim winmani long baim hap bilong olgeta sevis Siti Kaunsil i save givim long ol pipel long NCD.
- WANEM AS TRU BILONG LAND TAX?** Land Tax em ol i save skelim bihainim Unimproved Capital Value o manimak bilong graun we ol i no mekim wok long em yet. Dispela i save kam long Valua Jeneral. Olgeta skelim bilong dispela i stap klia long invoices.
- HUSAT I SAVE BAIM LAND TAX?** Land Tax em man i sindaun long graun i mas baim.
- NCDC I SAVE GIVIM OL DISKAUN LONG LAND TAX?** Yes, i gat wanpela 5% diskaun i stap long takis bilong wan wan yia sapos ol i stretim bipo long namba 30 de bilong mun Epril 2007.
- I GAT SAS O MEKIMSAVE OL I SAVE SASIM?** Yes, i gat mekimsave sas inap long 20% olgeta yia long olgeta dinau ol i no bekim.

NCDC - GARBAGE RATES O SAS BILONG RAUSIM PIPIA

- WANEM SAMTING EM GARBAGE RATES?** Em i wanpela fi Siti Kaunsil (NCDC) i save sasim long olgeta hauslain, komesel o bisnis na industriyel ples i stap insait long boda mak bilong NCD bikos ol i save givim ol sevis bilong klinim pipia bilong ol.
- WATPO I GAT OL GARBAGE REIT?** Ol garbage reit o reit bilong pipia em i wanpela rot bilong mekim mani long hapim kos o manimak bilong rausim pipia. Olgeta skelim bilong dispela ol sas i stap klia long invoices.

Pablik toksave long Nesenel Kapitel Distrik Komisari (NCDC) Len Takis na Pe bilong rausim pipia

- WANEM AS TRU BILONG OL GARBAGE REIT?** Reit bilong rausim pipia em ol i save makim bihainim bikpela bilong ol dram pipia na hamas taim ol i save kam rausim. Olgeta skelim bilong dispela sas i stap klia long invoices.
- HUSAT I SAVE PEIM OL GARBAGE REIT?** Ol reit bilong rausim pipia em husat manmeri i sindaun long dispela hap graun i mas peim.
- NCDC I SAVE GIVIM DISKAUN LONG EN?** Nogat. Tasol NCDC bai givim wanpela fri dram pipia long wan wan hauslain na Komesel o bisnis banis dispela yia long ol lain husat i stretim olgeta sas bilong graun na rausim pipia.

PEIM - GRAUN TAKIS NA OL REIT BILONG RAUSIM PIPIA

- BAI YU PEIM WE?** Yu ken peim graun takis na reit bilong rausim pipia long kes kaunta bilong City Hall, o long wanem ol Post PNG kaunta insait long NCD, ol koleksien senta bilong NCDC em ol bai tokaut long en bihain.
Yu ken peim tu long 'biller pay', na ol biller koud bilong mipela em:
- Land Tax 10199
- Garbage Rates 10448
- EFTPOS sevis nau i stap long City Hall**
- Ol bil bai go aut long dispela mun Mas 2007.** Sapos yu senisim pinis adres o i no kisim bil bipo long pinis bilong mun Mas 2007, plis ringim Revenue Seksen long telepon namba 324 0781/324 0765 Facsimile 325 3079.

EM I BIKPELA SAMTING LONG OL LENLOD LONG SAVE OLSEM: Sapos yu salim propeti bilong yu, yu mas toksave long NCDC na lodsime wanpela notice of transfer of rateable land bai nem bilong dispela hap graun na adres bilong em i ken senis i go long nem bilong man i baim. Wanpela propeti trensfa notis fom em yu ken kisim long City Hall - Revenue Seksen o daunlotim long websait bilong mipela www.ncdc.gov.pg. Lodsmen bilong notis bilong trensfa i mas stap long abrusim pasin sem taim NCDC i salim ol bil bilong graun yu salim pinis i go long yu. Na em i wok bilong nupela papa bilong graun long stretim olgeta graun takis na reit bilong rausim pipia sapos olgeta mani bilong NCDC i no stret bipo long ol i kisim graun long bipo papa bilong en.

Ol Building permit na Trade & Liquor laisens bai no inap go aut long ol bisnis o wan wan manmeri husat i gat dinau long ol Graun Takis na Reit bilong rausim pipia wantaim NCDC.



RAIT HELPIM:
Sampela pikinini bilong Ginigini setelmen ausait long Mosbi husat kisim helpim bilong World Vision na sindaun toktok wantaim projek menesa, Maria Opnai long taim bilong rejistresen.

Poto: Gary Fagen

NGO helpim 142 NCD pikinini

Gary Fagen i raitim

Klostu long 142 pikinini insait Nesanel Kapitel Distrik (NCD) husat mamapapa i no inap tru long peim skul fi bilong ol i kisim helpim long World Vision Pasifik long go long skul.

Long 503 pikinini we Pot Mosbi Pikinini Projek makim long ol

pikinini husat i kam long ol setelmen, na husat mamapapa i nogat wok long salim pikinini bilong ol go long skul, dispela 142 i bin laki tru long enrol long elementri na teknikel skul long NCD.

Dispela projek we i kam aninit long World Vision i tromoim arere long K33,000 long lukim ol dispela pikinini na yut kisim gutpela edukesen.

Planti bilong dispela pikinini kam long Mosbi Saut Ilekret. Tasol tingting i kirap long surikim wankain tingting i go long ol arapela hap long siti bikos long bikpela namba bilong ol pikinini husat stap long wankain hevi.

Dispela tupela yia projek kisim mani long Australia Ed Ejensi (AusAID) na em wanpela bilong 6-pela projek we World Vision i ronim long NCD.

Projek i lukluk long mekim mobeta sindaun bilong 500 pikinini insait NCD na long helpim 20 pesen bilong ol pikinini namel long 5-pela na 15 krismas long go long skul.

Projek opisa Joseph Lakane i tok sosel risets mas kamap long projek i ron moa gutpela.

"I gat bikpela askim long ol pikinini na World Vision wok bung wantaim long lukim moa pikinini kisim helpim long dispela program.

Planti pikinini i laik go long skul tasol i bungim hevi long painim skul fi tasol moa helpim bai go long lukautim bikpela askim long helpim dispela ol pikinini," Mista Lakane tok.



CIVIL AVIATION AUTHORITY OF PAPUA NEW GUINEA

PABLIK NOTIS

SEKIM NA GLASIM BILONG OLGETA KAIN WARA, SPRE TIN NA OL GRIS MARASIN LONG OL INTANESANEL RON BILONG BALUS I KIRAP LONG JACKSONS INTANESANEL PLES BALUS I GO OVASIS

Stat long Fonde, Mas 29, 2007, ICAO i tok olgeta Kantri i mas bihainim ol nupela stendet bilong karim ol Wara, Spre tin na ol Gris marasin. Olsem na CAA bai strongim wok sekyuriti bilong em long Jackson's Intanesanel Ples Balus long skelim mak bilong ol wara kago, ol spre tin na ol gris marasin ol pasindia i ken karim i go antap long balus bilong ol intanesanel ron. CAA i sanapim pinis ol Liquids, Aerosols & Gels (LAGs) rum insait long Jacksons Intanesanel Teminal bilong glasim na sekim ol pasindia bilong ol LAGs insait long ol bek ol i laik karim i go insait long balus. Ol sek in kago bai ol i no inap sekim bilong ol LAG tasol bai i mas bihainim yet ol sekyuriti glasim tu. Ol LAG em ol bai tokim ol long pekim gut gen o bai ol i rausim sapos ol i no bihainim stret ol dispela sekyuriti kontrol gaitlain daunbilo long taim bilong sekim.

- Olgeta LAG o marasin i mas stap insait long kago bilong sek in. Ol LAG i stap insait long beg bilong karim i go insait long balus bai mas stap insait long kontena we mak bilong em i no nek abrusim 100ml;
- Ol Kontena i mas stap insait long wanpela plastik beg we mak bilong em i noken abrusim 1 liter. Ol dispela kontena i mas sindaun gut insait long dispela klia plastik beg, na i mas pas gut.
- Givim dispela plastic bek i mas go long ol wokman long ples bilong sekim long LAG kliarens opis. Wanpela pasindia i mas karim wanpela plastik beg tasol;
- Marasin bilong sik, kaikai na susu bilong bebi na arapela olsem wara na dring i ken kisim tok orait bihain long ol i lukluk long en. Yu mas soim klia stret wanem kain wara, marasin o dring yu karim wantaim yu.
- CAA bai tok orait tu long ol dring, wara na arapela samting olsem we yu baim insait long ples balus o antap long balus tasol dispela samting i mas stap insait long wanpela plastik beg we i pas gut na i mas soim olsem em i no op yet. Em i mas klia tu olsem yu baim dispela samting insait long ples balus o antap long balus long dispela de we yu i laik wokabaut long en. Dispela i wankain long ol pasindia husat i senisim balus tu; na
- Long mekim wok i isi long sekim ol dispela samting, yu mas putim ol dispela samting insait long plastik beg na bungim i stap longwe long ol arapela kebin kago, ol saket o laptop kompyuta bai ol i ken sekim wantaim eksrei.

Olgeta wara marasin, spre na gris marasin bilong ol pasindia i stap insait long sek in kago bai ol i no inap sekim. Dispela wok sekim bai kamap long ol pasindia husat i karim beg i go insait long balus we ol i mas sekim gut long ol ples bilong sekim ol beg. Dispela ples bilong sekim ol samting tu bai givim ol plastik beg long pasim gut na putim ol dispela samting insait.

Sapos i gat moa askim long ol LAG na dispela ol kontrol gaitlain, ringim Mista Philip PAKOP (EKting Menesa-Jacksons ples balus) long telefon namba: 324 4755 na feks namba: 325 0833 o Mista Jerry GENO (Menesa Eviesen Sekyuriti Regulesens) long namba 323 9883 o feks 325 1628 long save moa.

Tok orait i kam long:

JOE KINTAU
CEO/Dairekta CAA

Kanu so kisim K15,000 helpim

Noreen Dada i raitim

NAMBA 4 Gogodala Kanu Festival i luk olsem bai kamap mobeta dispela yia na i gat tingting long pulim planti manmeri i go long Balimo long Western Provins long lukim dispela so.

Na long helpim wantaim wok long bungim ol mani long holim dispela kanu festival, Rimbunan Hijau (RH) grup bilong ol kampani long Papua Niugini (PNG) i givim K10,000 na Nesanel Kalsarel Komisen (NCC) givim K5000 long Fonde las wik.

Patron bilong Gogodala Kanu Festival na Membra bilong Midel Fly, Roy Biyama husat stap long givim ol sek mani i tok mani i go long gutpela as bikos ol kanu i bikpela samting insait long Gogodala kalsa.

Kalsa bilong Gogodala pipel i klia long pes bilong ol kanu we ol enimol i makim wan wan klen, em i tok.

Dispela festival i long lukautim, strongim na promotim dispela bikpela samting insait long kalsa bilong ol pipel," Mista Biyama tok.

Festival i lukluk long pulim olgeta komyuniti insait long provins husat i stap arere long wara o nambis long resis long dispela festival, em i tok.

Mista Biyama welkamim ol arapela komyuniti husat yusim ol kanu long arapela hap long kantri long bung long Gogodala Kanu Festival we bai kamap long 25, 26 na 27 de bilong neks mun.

Gogodala Kanu Festival pastaim i bin kamap aninit long Balimo Distrik Agrikalsa na Kalsarel So 5-pela yia i go pinis na kirap olsem independen iven o bung bilong em yet aninit long stia bilong Mista Biyama.

Mosbi nait klab kisim skul ...Lainim moa long HIV

Noreen Dada i raitim

PENTHOUSE nait klab i kamap narapela nait klab long Mosbi we wanpela Non-Gavman Ogenaisesen (NGO) i go long karim aut HIV aweanes.

Long wanpela yia, Poro Sapot Projek aninit long Save The Children (PNG) i go long ol nait klab na entatenmen ples insait long siti long 4-pela nait long wan wan wik long skulim ol wok man meri long save moa long HIV na ol rot ol ken kisim long daunim o banisim ol long kisim binatang bilong HIV.

Eria Kodineta bilong ol woksop, Brigitte Taimbari tok ol woksop ol wokim insait ol Mosbi entatenmen ples na nait klab i bikpela samting bikos em namba wan rot long skruim toktok.

"Wok bilong mipela i kamapim gutpela samting we sampela klab yumi go long en em yumi painim planti samting we i brukim lo (long sait bilong wok man meri) na mipela amamas long tok foapela bilong dispela ol klab i pas pinis.

K40,000 helpim bilong CDS bai i go long Mendi

PLANTI skul insait long ol ilektret bilong Sauten Hailans Provins i nidim helpim i kam long Gavman na Sauten Hailans Provinsel Edukesen long lukim ol ron gut.

Na wanpela ogenaisesen i kam long givim dispela helpim we K40,000 i go long kamapim tupela nupela klasrum long Kambrep Praimeri Skul.

Komyuniti Developmen Skim (CDS) i givim dispela helpim bihain ol lukim moa long 100 nupela sumatin enrol long skul

dispela yia.

Deputi Hed. Masta bilong Kambrep Praimeri i tok sot yet long ol skul saplai olsem ol kos buk maski Tred Pasifik i bin givim sampela skul saplai.

Em go het long tok narapela bikpela hevi em ol tisa nogat haus long slip maski ol wok moa long 6-pela krismas nau long skul.

CDS insait Mendi i tok sampela hap skul olsem Lake Kopiago, Maunten Bosave na Erave i nogat gutpela skul

saplai na nogat haus bilong ol tisa na ol klasrum i ol haus kunai we i wok long pundaun long nau taim.

Long makim maus bilong ol komyuniti insait long Mendi, Joe Yasi i tok ol papa mama mas lukautim gut ol kain liklik projek we ol lain long ovasis ogenaisesen i kamapim na sagotim sevis ol givim insait long provins.

- Timon Henry i raitim

SHP makim ol LLG presiden

Timon Henry i raitim

KAIN olsem 12-pela Lokel Level Gavman (LLG) long Sauten Hailans Provins (SHP) makim ol nupela presiden bilong ol.

Makim seremoni we i bin kamap long Mendi i kam bihain long Minista bilong Inta Gavman Rilesens Sam Abal i askim long wanpela pas long 27 Februari 2007, i go long Ekting Provinsel Administrata, William Powi long kisim bek ol presiden husat Gavana bilong SH Hami Yawari i bin rausim long kam sindaun long Provinsel Eksekutiv Kaunsel (PEC) bung.

Mista Abal tok planti bilong ol LLG presiden i bin stap ausait longpela taim tru na nau i kisim luksave long opis bilong em.

Em tok klia olsem ol gat rait long stap insait PEC na ol arapela ol bin kisim na makim nating i brukim lo.

Long dispela taim tu ol 13 bai kisim ples bilong ol husat makim bilong ol i no


bihainim gut lo.

Ol nupela LLG presiden em: Kundapen Tila (Lou velli), Nakon Ipe (Poroma), Eric Yako Wak (Nembi Plateau), David Yawi (Kutubu), Nelson Hiwi (Lowa Wagi), Taya Kembo (Hulia rurel), Tayako Hamono (Hayapuga), Ailo Arapa (Awi/Pori), Tom Pakale (Lake Kopiago), Henry Tekatu (Is Pangia), Wambi Nondi (saut Wiri) na Rali Kawane (Kagua).

Presiden bilong Erave em ol no makim yet.

Mista Abal go het long tok olsem ol husat i kisim makim nating bai bungim sas bikos makim bilong ol i no bihainim lo.

Long dispela taim ol painim aut olsem tupela rurel LLG gavman bilong Nipa/ Kutubu i mekim dispela asua na kisim tok orait long LLG kaunsel we aninit long Mama Lo Seksen 27 bilong Ogenik Lo i mas kisim luksave na tok orait bilong Nesenel Gavman na wan wan LLG.



SKULIM: SVD Pater Joseph Sakite i skulim ol mama na pikinini long gutpela kuk na lukautim gut famili. FAIL POTO

Ami bos opim maket

KOMANDA bilong PNG Difens Fos, Komodo Peter Ilau long dispela wik i bin opim nupela maket long Mendi taun, Sauten Hailans provins.

Ol PNG Difens Fos memba na polis husat i bin stap long Stet ov Imejensi Operesen (SoE) i bin welkamim Komodo Ilau taim em i go kamap long Mendi ples balus. Long wokabaut bilong em i go long Mendi, Komodo Ilau i bin opiseli opim Mendi Taun maket we PNG Difens Enjinias Dipatmen i bin wokim.

"Mi amamas tru long gutpela wok we i bin kamap insait long Sauten Hailans Provins. Bai mi traim long toktok strong long gavman long putim wanpela ami bareks long hia long Mendi sapos i gat mani," Komodo Ilau i bin tok.

Em i bin tok olsem i bin gat wanpela ami yunit i bin stap long Hagen tasol ol i no ron gut na bai ol i traim long salim i kam long Sauten Hailans provins.

- Timon Henry i raitim

K2.6 milien distrik treseri projek

DIPATMEN bilong Fainens i givim K2.6 milien long kamapim Kagua Erave Distrik Treseri opis we em makim bikpela wok kamap bihain long 31 krismas.

Long Tunde dispela wik, Seketeri bilong Fainens, Gabriel Yer i tok aninit long distrik treseri rol aut progrem, ol pablik seven na ol pipel insait ol rurel eria bai i no inap moa mekim ron ausait long distrik long kisim o salim mani long benk, salim pas o yusim telepon.

Dispela nupela Distrik Treseri opis bai gat haus bilong 9-pela wok man meri, bai gat wanpela man lukautim mani bilong distrik, mani opis, benk, ATM (masin we pipel yusim beng kad long autim mani), 6-pela telepon lain na bai gat pos opis tu.

Mista Yer strongim ol pipel long lukautim dispela ol sevis na tok em bai i no inap westim taim long rausim ol sapos ol pipel i no wokim dispela.

Long wankain taim aninit long progrem long strongim gen distrik, Kagua Erave kisim ol nupela Distrik Administratesen Opisa, mejistret, Distrik Administrata na ol haus bilong ol helt ekstensen opisa.

Mani long dispela ol developmen i kam aninit long Distrik Sevis Impruvmen Fan.

Mista Yer i tok em i laikim lukim moa gutpela wok i kamap long strongim dispela ol progrem.

Ombudsman kotim Tari Open Memba

OMBUDSMAN Komisen i givim nem bilong Tari Open Memba Tom Erelene Tomiape i go long Pablik Prosekyuta long glasim wok painimaut ol wokim we ol ting memba i wokim sampela rong long opis.

Long wok painimaut Ombudsman Komisen i wokim ol sutim tok olsem Mista Tomiape i no yusim gut K250,000 bilong 2002 Distrik Sapot Gren (DSG) long ilektret bilong em na em i no bin pinisim mani ripot bilong em long ol yia 2002-2003.

Komisen i painimaut olsem long 2002, Mista Tomiape kisim K250,000 bilong diskresineri kompo-

nen bilong DSG we i kam aninit long Rurel Eksen Progrem Fan.

Painimaut i soim olsem Mista Tomiape i putim tripela sek we mani mak bilong ol sanap long K250,00 insait long beng akaun bilong em yet we sampela bilong dispela mani em surikim gen go long ilektrol tras akaun.

Long sait bilong namba tu asua we Komisen tok Mista Tomiape i no givim mani ripot bilong em we olgeta memba bilong wan wan ilektret mas givim olsem em tok aninit long Seksen 4 sab seksen 1 bilong Ogenik Lo long Duti na Wok bilong Lidasip.

Introducing the

HIACE MID-ROOF

3.0L Diesel, Wide Body

- ✓ 16 Seats with seat belts.
- ✓ Wider walk through space.
- ✓ More head room.

Ela Motors
TOYOTA

Your First Choice

CALL YOUR FIRST CHOICE BRANCH TODAY

Port Moresby.. Ph 3229400	Goroka..... Ph 7321844	Wewak.... Ph 8562255
Lae Ph 4781800	Mt. Hagen.. Ph 5421888	Vanimo... Ph 8571254
Kokopo..... Ph 9829100	Kimbe..... Ph 9835155	Tabubil... Ph 5489060
Madang..... Ph 8522188	Lihir..... Ph 9864099	Porgera... Ph 5479367
Kavieng..... Ph 9842788	Buka..... Ph 9739915	Alotau.... Ph 6410100

www.elamotors.com.pg

Kleji mas stap olsem stiaman na wasman

Veronica Hatutasi i raitim

long ol pater, pasto na bisop i go insait long wok politiks.

na dispela em long mun Jun tasol.

WANTOK Niuspepa i bin kisim toktok bilong ol hetman bilong tripela bikpela sios long PNG we i sut

Dispela em bikos Nesenel Ileksen 2007 long Papua Niugini (PNG) i klostu kamap

Ol pater, pasto na bisop i kisim singaut long mekim wok bilong God. Na taim ol i sanap resis long ileksen na win na kamap olsem Palamen memba, em i narapela stori. Nau yumi lukim ol toktok bilong ol hetman bilong Luteran, Angliken na Katolik Sios.

Lo bilong ol dispela wan wan sios i narakain olsem bai yumi lukim:

Het Bisop Dokta Wesley Kigasung em hetman bilong Evanjelikel Luteran Sios bilong PNG i tok:

"Pastaim, yumi mas save olsem olgeta manmeri bilong dispela kantri i gat rait long wokim toktok i sut long politikis we i karamapim tu rait bilong go insait long wok politikis. Tasol long bekim askim long ol kleji (pater, pasto, bisop) i go insait long politikis, Kaunsil bilong ol Bisops long Sios long Oktoba 2006 i bin tok mipela i no laik bai ol pasto i go insait long politikis bikos ol i gat pinis spesel singaut long sevim pipel bilong ol na dispela em long givim ol spiritual kea o lukaut. Na husat kleji i laik go insait long politikis i mas risain long wok bilong sios na bihain, em i ken bihainim rait bilong em aninit long mama lo olsem sitisen na sanap long resis long go insait long palamen.

"Pasto i gat pinis bikpela singaut olsem wasman bilong ol sipsip long sios na sapos em i no inapim dispela long sevim ol pipel bilong God, wanem promis em i gat long soim olsem em bai wokim gut olsem politisen. Sapos em i



ELC/PNG HETMAN: Reveren Bisop Dokta Wesley Kigasung

pilim olsem em bai wokim gut olsem wanpela politisen, em i mas risain long kleji na kamap politisen.

TASOL BIKPELA TOK LUKAUT LONG OL DISPELA i LAIK KAMAP POLITISEN OLSEM MASKI YU WIN O LUS, BAI YUPELA I NO GO BEK LONG KLEJI O sios wok. Long ol yia i go pinis, mipela i isi tasol nau mipela i laik autim tok lukaut long ol pasto olsem sapos ol i laik go insait long politikis, ol i mas risain long wok pasto, givim bek odinesen setifiket i go long opis bilong bisop na mipela i tok mekim gut long nupela wok long politikis.

"Long dispela taim insait long politikel histori na developmen bilong kantri, em i bikpela samting long ol kleji i mas sanap strong long wok bilong ol long sios na givim spiritual stia long ol dispela we i stap long wok na salens bilong ranim kantri.

"Mi laik strongim tok olsem sios i gat bikpela wok long givim spiritual stia long pipel bilong yumi na em i bikpela

moa yet long dispela taim bilong 2007 nesenel ileksen. Ol pasto, pater, bisop na ol minista i gat bikpela singaut long sanap wantaim na givim dispela kantri na ol politikel lida long preia na spesel ministri. Yumi noken slek o lusim wok we God i singautim yumi long en long kamap olsem ol gutpela wasman bilong sipsip long pipel bilong God.

"PNG i wok long kamap long hatpela situesen long politikel developmen we "honesty, truth, transparency and good governance" o pasin bilong wokim stretpela pasin, tok tru na noken wokim haitpasin i wok long lus. Na yumi olsem ol sios i mas sanap strong wantaim long stopim na senisim dispela long ol pastoral ministri bilong yumi. Sapos yumi feilim ol pipel bilong yumi, yumi feilim God. Na yumi noken ting olsem bai yumi wokim gut taim yumi kamap politisen.

Lukim moa toktok bilong Katolik na Angliken Sios lida i sut long dispela samting long Pes 2.

STORI TASOL



wantaim

FR. PAUL LIWUN, SVD

Tringim ples

LONG Sarere, Mas10, 2007, moa long 100 pipel bilong Wes Papua long Mosbi (Masyarakat Papua di Port Moresby) i bin holim wanpela bung long St. Peter Chanel Peris Hal long Erima long serim sampela tingting olsem wanem bai ol i go bek long Wes Papua na developim ples bilong ol. Gavman bilong Indonesia i bin givim spesel otonomi long provins bilong ol pinis na nau em i taim bilong ol long developim provins bilong ol.

Mi bin go long haus sik na bihain, long bung bilong SVD long 5 Mail na olsem, mi no bin stap wantaim ol. Taim mi kam bek, ol i stap yet, olsem na mi stori wantaim ol ausait na gat i sans tu long tokples Bahasa Indonesia wantaim ol.

Mi askim sampela long ol long wanem samting ol bin toktok long en long dispela bung? Ol i bin tokim mi olsem, "I no olgeta i bin kam long dispela bung i save klia gut wanem as bilong Spesel Otonomi. Olsem na sampela taim bung bilong mipela i kamap i raun raun tasol. Wes Papua bilong nau em i no wankain olsem Wes Papua bilong bipo. Planti i no bin go bek na lukim wanem developmen i stap nau, olsem na tingting bilong ol i stap pas wantaim taim bilong bipo."

Ol i tok olsem tasol planti i save go i kam, ol i serim wanem samting ol i lukim; wanem kain developmen i bin kamap na i go het yet long Wes Papua. Ol dispela lain i save serim wanem samting ol i lukim na givim sapot long ol Wes Papua i stap long PNG i ken go bek na joinim narapela manmeri long ples na wok bung wantaim long developim Wes Papua Provins.

Tingim bek, serim bilong mi bilong las wik "KAM NA LUKIM". Planti i no lukim yet olsem na ol i pr t long go bek long Wes Papua. Tasol planti i lukim pinis, ol i no pret long go bek.

Las yia, Gavana bilong Wes Papua i bin bung wantaim sampela grup bilong Wes Papua Provins i bin kam long Indonesian Embasi. Na wanpela man i bin askim gavana long wanem taim bai Wes Papua i kisim independens

Gavana i bekim olsem: "Papa! Wes Papua i no nidim IDEPENDENS. Yumi nidim FRIDOM. Na dispela FRIDOM i stap pinis long Wes Papua. Nau Yumi gat fridom pinis long developim provins bilong yumi yet. Gavman bilong Indonesia i givim fridom long yumi na sapos yumi no yusim nau (Spesol Otonomi), long Provins bilong yumi", wanem taim bai yumi developim?"

Tasol Gavana i no fosim pipel long go bek, nogat. Em i tok: "Sapos yu gat gutpela laip long hia (PNG) pinis, yu ken stap. Tasol sapos yu painim hat long stap long PNG, tingim gut. Dua bilong Wes Papua i op bikpela tru long welkamim yu bek. Bilong wanem na yu karim hevi long narapela ples sapos I gat susu dan madu (susu na hani) i stap nating long as ples bilong yu?". Tingim ples!

GLASIM TOK wantaim



FR LOLLINGTON WIAM

Stia man i mas wok stret

LONG dispela taim i gat kain kain ol samting i wok long kamap insait long laip bilong ol stia man bilong wanwan sios, ol sios memba na ol arapela manmeri. Planti i wok long singaut strong long Jisas de na nait long kisim pawa bilong mirakel, kisim pawa bilong mekim sik manmeri i kamap orait, kisim pawa bilong autim tok na kisim pawa bilong kisim ol samting i kam insait nau tasol.

Dispela kain samting i wok long kamap na i wok long paulim planti bilip manmeri. Olsem blek Jisas long Madang, narapela moa i wok long kamap long Wes Nu Briten na wanpela nupela moa i wok long kamap long Simbai insait long Midel Ramu. Em ol i save kolim Sindop Jisas. Nau yumi ol stia manmeri na was manmeri bilong ol sipsip bilong God i no ken kamap kranksi stia manmeri insait long sios bilong God. Yumi mas sanap long bilip na prea. Yumi mas sanap long tok tru na laik pasin na redi long karim kruse na dai wantaim Kraisis.

Ol dispela i bin pas gut tru wantaim Jisas oltaim, tasol ol askim Jisas long soim God long ol. Ol i nogat bilip na ai bilong ol i pas na ol i no luksave olsem Jisas em yet God na em i stap namel long ol. Yumi tu i no luksave olsem Jisas i stap pas wantaim yumi bikos yumi mekim strongpela askim long kisim ol samting kwik taim o kamapim nau tasol.

Em planti yumi save paul long dispela hap. Yumi save wet na taim askim i no gat gutpela kaikai, yumi mekim save long ol tok i no stret long en na paulim bilip bilong ol man meri. Yumi mas sanap long stretpela pasin, sanap long tok tru, bilip na prea na redi long karim kruse em trupela rot. Samting yu askim bai yu kisim.



ENROL LONG NUPELA ILEKTOREL ROL NAU!!


NOGUT, YU NO INAP VOT!

Vot bilong yu bai senisim sindaun bilong yumi na PNG!



YU GAT TRIPLELA SANS LONG VOTIM GUTPELA LIDA!





The Catholic Reporter

MARCH, 2007

Issue 47

Bishop Van Lieshout, forty years on

By Victoria Villa-Juan Yos

THOUSANDS of Catholics in Lae, in the Morobe Province, flocked into the Sir Ignatius Kilage Out-door Stadium on Sunday the 4th of this month for a double celebration of 40 years of the establishment of the Lae Diocese and the 40th jubilee of Bishop Henry Van Lieshout as its first bishop.

Bishop Henry Van Lieshout was the main celebrant which was concelebrated by Arch Bishop William Kutz of Madang, the Apostolic Nuncio Arch Bishop Francisco Padilla, the bishops of Bougainville, Vanimo, Mt Hagen, Goroka and priests of the Diocese of Lae.

Also present and concelebrating was Fr Sheehy CMM who came all the way from Canada. From the Netherlands came Bishop Henry's sister and brother in law to be part of the festivities.

Catholic parishes as far as Menyama, Wau and Bulolo as well as across the sea from Siassi came to join the town parishes for the occasion.

Bishop Henry was carried in on a raised platform and escorted by a Tolai singing group to the altar and was welcomed again with an angelic choir echoing as Sr Majella guided it through.

The main message, in his homily, was the reminder to the people to have peace and unity among themselves. "Every time I pray I think of you and pray that we learn to love one another regardless of origin, status or colour" said Bishop Henry. He said we should thank God for being with us for the last 40 years and if we continue to ask him to be with us he will.

After the homily the Apostolic Nuncio Francisco Padilla, read a special message from Pope Benedict XVI who conveyed his cordial greetings and good wishes to Bishop Henry. Another message with congratulations came from Archbishop Robert Sarah, Secretary of the Evangelisation Congregation in Rome

The scorching heat of the Sun was not an obstacle at all as the mass proceeded with the choir and kundu beats echoing the prayers.

A presentation of small children traditionally dressed and representing each province of the country, as a symbol of the mix of Catholics who make up the Lae Diocese, was well received. Then followed an eye-catching march-past by students of many of the Catholic agency schools who paraded to say thank you to Bishop Henry for all he had done for Catholic Education in the Diocese.

After the Mass Bishop Henry and guests were treated to a delicious meal prepared by the Catholic Women's Association. During the meal and for the rest of the afternoon everybody was entertained by



BISHOP'S 40 TH: "We should thank God for being with us for the last 40 years and if we continue to ask him to be with us he will."

the various parishes each saying thank you to Bishop Henry.

Young at heart, age wasn't going to slow Bishop Henry down and he often danced along with the various groups. He expressed appreciation for the many gifts which ranged from money and material goods too traditional items. National pride says that a big man must be given pigs and yes, Bishop Henry re-

ceived the same.

Bishop Henry Van Lieshout was one of a small group of early missionaries sent to Morobe in 1960 by the Missionaries of Mariannahill to help build up the faith and to assist in the development of the Church there.

Bishop Henry will be succeeded by bishop elect Chris Blouin when he will be ordained the second bishop of Lae on the 5th May.

Also present for the days festivities were the Hon Bart Philimon, Jerry Nalau, Lt Col Walter Natu Chief Instructor Defence Academy, Igam, Lt Col Carl Wrakonie, Commanding Officer Engineer Battalion, Igam.

Sir Henry Chow and Sir Soekandar Tjandra were also present along with media reps from different media industries.

BEEF

SNAX

CRACKER

Proud to be associated with The Catholic Reporter

TOKSAVE

Sapos yu gat sampela stori o nius yu laik putim long dispela pepa ringim o salim feks i go long Fr Geoff long telipon 479 5007 o email: com@global.net.pg

Free education political and misleading

IN recent weeks there has been discussion in the media about the need for a "Free Education Policy" for children in primary schools in Papua New Guinea said Br Andrew Simpson, Chairperson of the National Catholic Education Board in recent press statement.

The National Catholic Education Board, he went on to say, considers that there is no such thing as a free education policy and that in our country as we prepare for the 2007 national election, the promotion of this concept of free education becomes political and misleading.

The National Catholic Education Board supports the goal, he said, of Universal Primary Education in Papua New Guinea which recognizes the rights of all children to receive their right to receive basic education.

Within this goal of Universal Primary Education, he added, the National Catholic Education Board recognizes that there should be a form of subsidized education that assists parents receive assistance from Government and other Education Agencies in providing the basic education for their children.

The National Catholic Education Board, Br Andrew said, recognizes that there is no real concept of a free education, and that someone must pay for education. Parents must commit themselves to a basic payment

for education and Government must also provide a just subsidy that assists the parents in their responsibility for educating their children.

He went on to say that the Board also comments that experience has shown that "free education" has been promoted in past years and that the resources of the country are not able to provide such "free education". "Start-stop" approaches by Government in support for elementary education has undermined community support. Furthermore the promotion of a concept of "free education" has led to a lack of commitment by many parents to the needs of education in PNG.

The National Catholic Education Board, he went on to say, was also concerned that in the promotion of Universal Primary Education that most schools in the country lack the basic teaching resources such as text books and that schools are severely hampered in their responsibility to provide educational services to our children. Many classrooms do not have basic textbooks to provide to children and learning then becomes quite haphazard and ineffective. The National Catholic Education Board believes that the Department of education would do well to provide these basic learning resources so that all children could benefit effectively from the learning within the classroom.

A very special start to the year

Br Brain Newman, ofm Cap

THE beginning of this year has proven special to many religious making profession of vows with most of these professions occurring at Alexishafen in the Madang Province.

In January, two Sisters of St Therese made their final profession at their chapel at Alexishafen. Sisters Apollonia Gabe and Theodora Igunga professed their final vows before Archbishop William Kurtz svd and their religious superior, Mother Martha Lonai ssth.

The large chapel was filled with sister, brothers and relatives and friends of the two sisters making final profession. Also in the same month on the

feast of Saint Arnold Jansen, the Founder of the Divine Word missionaries and the Missionary Servants of the Holy Spirit, three novices of the Holy Spirit Sisters made first profession. Sisters Scholastica Dising, Francisca Wesu and Milliana Wangusawo professed their first vows, also before Archbishop William Kurtz svd in the Holy Spirit Chapel at Alexishafen.

Later that month it was the Capuchin Brothers' turn when Fr Jerry Luke Kirime made first profession at the Capuchin Novitiate at Pangia in the Southern Highlands Province. On the same day Br Michael Wapu renewed his vows before Br Benjamin Madden who represented the Capuchin Vice Provincial. Also in the month at Padre

Pio Friary, between Alexishafen and Kap, Brothers Norbert Kawai, Barnabas Alu, Harry Anio and Christopher Drua celebrated the renewal of their vows as Capuchin Franciscans. Fr Brian Newman received their vows in the name of the Church and the Capuchin Order.

In February the Missionary Sister of the Society of Mary had good reason to celebrate because of the celebration of final vows for Sister Lucinder Mologai. Sister Lucinder professed her final vows before Fr Allan Wasiecko, ofm cap and Sister Jennifer, who flew up from Sydney for this special occasion, in the St Therese sisters' Chapel at Alexishafen.

Climate change - Catholics must act

THE 20th century was the warmest globally in the last 600 years, yet predictions are that this may well pale beside the 21st. In February US scientists announced world temperatures for January - combined land and ocean surface temperatures - were the

highest ever recorded. The world is getting hotter - and quickly.

Global climate change can no longer be ignored as though it were someone else's

problem. The 2007 Intergovernmental Panel on Climate Change - collating data from many disciplines - predicts global warming will continue throughout the century. The

cause of global warming, the report concludes, is "very likely" human-induced activities caused through the unprecedented burning of fossil fuels.

These driving forces are commonplace - industry, cars, and electricity generation, the

proliferation of energy-hungry appliances. For every tonne of fossil fuel burnt in energy production 3.7 tonnes of carbon dioxide gases are released into the atmosphere.

The current release of CO2 to the atmosphere is more than double the capacity of the natural systems to absorb it. So, even if all CO2s were discontinued today temperatures will continue to rise into the century and natural systems will continue to collapse. Reduction targets - as proposed by the Kyoto Protocol - aim to pull back the planet from the dire position where temperatures are simply so intense that life can no longer be sustained.

What can we do to avert disaster?

There is much that we can do, both politically on the global scale and personally. Catholics number about a billion people worldwide.

We can be mobilized to act and lobby at every level of government, industry and science. Ours is, above all else, a life-affirming theology. Life is respected and cherished from conception to the grave. Catholic spirituality affirms the natural beauty of creation is an image of God. As the present ecological crisis loomed, in 1990, Pope John Paul declared climate change to be "the moral issue we must face." Our time is now at hand, as St Paul might have said "to fight the good fight".

Luisa: Building Peace in Timor-Leste

A Lenten Story: Courtesy of Caritas Australia



• LUISA.

LUISA is from Dili in Timor-Leste (East Timor). In 1999 her life was changed forever. In the lead up to the 1999 referendum for independence, the Indonesian backed militia and military undertook a campaign of terror and intimidation in an attempt to frighten the people into voting against independence. Luisa's husband was killed and the militia burned her home.

After the announcement that the majority of East Timorese voted in favour of Timor-Leste's independence, the violence erupted again. Luisa and her children fled to the United Nations (UN) compound in Matadoru for safety and were evacuated to Australia.

While in Sydney, Luisa received training in trauma counseling. Having experienced trauma first hand and learning the skills to be a trauma counselor, Luisa wanted to return to Timor-Leste to work with others affected by the trauma, help them to talk about their own experiences.

Luisa returned home in June 2000 working as a counselor supporting survivors of sexual and domestic violence. "Independence meant we had to rebuild our own country but first we needed to rebuild our broken people." Says Luisa.

As many survivors of sexual violence did not attempt to seek help because of the stigma attached there was a great

need for counselling and community education. Luisa conducted training for the community where she provided information and advice on how communities and individuals could assist a survivor of violence.

Caritas Australia's Human Rights Law and Justice Programme have been working on the issue of sexual violence in Timor-Leste since 2001.

Caritas Australia was one of the first organizations to form a team to develop culturally appropriate training to address local community groups on the issue. Initially two teams of women visited communities to address the issue, but then the East Timorese programmes staff identified the importance of having both women and men conducting the training. If the aim is to see sexual assault and domestic violence as a community issue (rather than a women's issue) with a solution that involves all members of the community, it is important that women and men conduct the training together.

Recognising the vital importance of addressing violence and the causes of violence; challenging the stigma associated with sexual and domestic violence; and promoting everyone's involvement in finding a solution to the issue is how the supporters of Caritas Australia are helping to put this programme into action in Timor-Leste.

In April 2005 Luisa ap-

proached Caritas Australia to discuss the possibility of building a safe house at Dili National Hospital. A safe house is a place where survivors of violence can go to seek medical assistance, report the violence and receive support.

Caritas Australia's Human Rights Law and Justice Programme, working in partnership with other organizations built the new safe house at Dili National Hospital. Today Luisa works as a counselor at the safe house.

In April last year, further violence broke out in Timor-Leste. This raises the question - how could this happen in a country that fought so hard for independence? There is no easy answer to this question, but it is important to consider the following. In 1975, when Timor-Leste was ready for independence from its Portuguese colonizers, Indonesia invaded and so began 24 years of violent occupation. During the occupation, members of the militia were recruited by Indonesia from within Timor-Leste and so East Timorese were turning on their fellow East Timorese. Violence became a daily part of life. A whole generation of young people has grown up experiencing only violence.

Then came the vote for independent in 1999. Following the vote in favour of independence there was an expectation that dreams of freedom and a new life would be fulfilled immediately.

But rebuilding a nation cannot happen overnight. It takes time. Recovering from 24 years of trauma also takes time.

Events of 2006 highlight the important role that we all continue to play in helping to build peace in Timor-Leste. Continued support of programmes with address sexual and domestic violence, like this one, is one way to do just that.


If you want to know more about what Caritas PNG is doing in these areas contact them at P.O.Box 6576, Boroko or email them on caritaspng@caritas.org.pg

New website for the Diocese of Daru-Kiunga:
We regret that the website address was not printed in
the previous Catholic Reporter.

The website address for the diocese of Daru-Kiunga is www.missionfrontier.org



ELECTORAL COMMISSION
Papua New Guinea



CHANGE IN METHOD OF VOTING UNDER THE LIMITED PREFERENTIAL VOTING (LPV) SYSTEM

The National Parliament in August 2006 passed legislative changes to the Organic Law on National and Local level Government Elections. Among the many changes, was the change in the manner of voting under the Limited Preferential Voting (LPV) system. The new legislative change will split the ballot paper into TWO separate documents. These two documents will be called a candidate poster and the actual ballot paper.

date poster and a ballot paper to be used in the elections.

Copies of the candidate poster will be given FREE to all aspiring candidates for the 2007 general election weeks in advance prior to the actual polling time. They can use that as campaign material, courtesy of the Electoral Commission.

The slight change in the manner of voting under LPV is a provision in law that has come into force on the 21st of September 2006 and as such will be implemented in the coming 2007 general elections.

ANDREW S. TRAWEN, MBE
Electoral Commissioner

Sections 124 and 125 of the Organic Law as amended, require a candi-

Below here is the candidate's poster and ballot paper

ELECTORAL COMMISSION
Papua New Guinea

2007 GENERAL ELECTIONS - NATIONAL PARLIAMENT
CANDIDATE POSTER
TURUMU OPEN ELECTORATE

DIRECTIONS

- ▶ This is a candidate poster. Do not write on it.
- ▶ Write your vote on the **BALLOT PAPER**.
- ▶ Choose three preferred candidates from this poster.
- ▶ Write the candidate numbers or the names of the three candidates of your choice beside the numbers 1, 2 and 3 on the **BALLOT PAPER**.

Printed under the authority of the PNG Electoral Commission. It is an offence to alter/mark/change this poster. Do not write on it

000000 TURUMU OPEN ELECTORATE

000000

2007 GENERAL ELECTIONS
NATIONAL PARLIAMENT
BALLOT PAPER
TURUMU OPEN ELECTORATE

HOW TO VOTE


- ▶ Write the candidate number or name of your first choice candidate beside number 1
- ▶ Write the candidate number or name of your second choice candidate beside number 2
- ▶ Write the candidate number or name of your third choice candidate beside number 3

DO NOT PUT ANY OTHER MARK ON THIS BALLOT PAPER !

1 [] _____

2 [] _____

3 [] _____



TOK PISIN NEWS

from Radio Australia

radioaustralia.net.au

Harim TOK PISIN long

Radio Australia

101.9FM

Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

Japan PM tok nupela sekyuriti agrimen wantaim Australia i gutpela

JAPAN:

Praim Minista bilong Japan, Shinzo Abe i tok wanpela nupela sekyuriti agrimen wantaim Australia bai halvim rijen.

Praim Minista bilong Australia, John Howard i stap nau insait long Tokyo, Japan, long bungim Mista Abe na sainim dispela tok aut o deklasesen sampela taim long tude.

Not Esia koresponden Shane McLeod i ipot, olsem i bin i gat sampela wari long dispela nupela agrimen em Saina inap kamapim.

Mista Abe i bin tokim ABC, dispela agrimen i no wanpela samting long pasim China.

Sekyuriti agrimen bai stretim rot bilong wanpela joint military trening na intelijens sering namel long Australia na Japan.

Biknem loya tok ami stopim em long go long bung

FIJI:

Wanpela biknem Fiji loya i tok ol i wok long pasim em long lusim kantri long stap insait long wanpela bung long Nu Silan.

Graham Leung, bipo Presiden blong Fiji Law Society, i bin tokim Lawyers Weekly, olsem dispela i kamap bikos ami i tek-ova long gavman na wok lukaut bilong kantri insait long Coup blong mun Disemba coup.

Em i tok, i gat planti bikhet pasin em sampela ami opisa i mekim, we em i bagarapim na brukim 'human rait lo'.

Ol pipel, husat i bikmaus agensim ami, i bungim taim stret long ami bareks na planti moa, ol i stopim ol long lusim kantri.

Em i ting samting olsem 5-tausen pipel i stap long wanpela 'list' blong ol pipel i no ken 'travel out' long kantri.

Samoa pipel i askim UN long halvim ol wantaim NZ sitisensip

Ol bai askim Yunitid Nesens (UN) long pasim tok long wanpela tingting bilong ol pipel bilong Samoa sapos ol i gat rait long kisim Nu Silan sitisensip.

Samoan Citizenship Movement i laikim UN long givim sapot long wanpela legal advais olsem ol pipel em, mama

i karim ol insait long Westen Samoa taim em i bin wanpela hap bilong Nu Silan teritori, i mas kisim yet Nu Silan sitisensip.

Privy Council i bin mekim disisen long 1992 olsem ol pipel, husat mama i karim ol

insait long Westen Samoa namel long 1924 na 1948, ol i sitisen blong Nu Silan.

Tasol lida bilong Samoan Citizenship Movement insait long Nu Silan, Arthur Anae, i tok olsem na ol i askim halvim bilong UN.

Nupela stadi i tok mental helt i no bikpela tumas: Pacific Rijen

Wanpela nupela stadi i tok mental helt i stap yet wanpela 'low priority' insait long planti kantri blong Pasifik Allan.

Stadi em Faundesen of the People's of the South Pacific i bin raitim kamap na rereim, ol i bin rilisim insait long Pacific Helt Ministas bung em i wok long kamap nau long Vanuatu.

Dispela bung i bin harim olsem ol sevis blong helt i mas lukim olsem mental helt i kamap wanpela samting ol i mas mekim insait long rijen.

Foundation i tok makim gutpela wok Vanuatu i mekim long wok klostu wantaim World Health Organisation na ol NGO lain long 'deal' wantaim hevi bilong mental helt.

Ol painim dai bodi blong 7-pela pipel long sait bilong maunten paia

Ol i painim pinis dai-bodi blong 7-pela man bilong klaimim maunten o pipel long sait bilong namba tu bikpela maunten paia (volkeno) bilong Indonesia. Ol i bin painim dai-bodi blong

ol long Maunten Rinjani, wanpela volkeno, em i go antap moa long 12-tausen feet long island bilong Lombok.

Ol i tok, ol i bilip ol dispela pipel i dai ol i kam long Lombok.

Ol i bin tambuim ol pipel long i go antap long maunten, long mun Janueri, bikos i bin kol tru long dispela taim.

POSF

PABLIK NOTIS

YU SAVE WOK PAT TAIM NA I STAP LONG PEI ROL MOA LONG TRIPELA MUN PINIS TASOL YU NO PUTIM SAMPELA MANI LONG SUPARENUESEN?

ANINIT LONG LO, SAPOS YU STAP LONG PEI ROL MOA LONG TRIPELA MUN, YU MAS GIVIM HAP MANI BILONG YU I GO INSAIT LONG SUPARENUESEN BILONG HELPIM YU LONG BIHAIN TAIM.

Dispela hap lo bilong suparenuesen i karamapim olgeta kampani husat i gat moa long tupela ten (20) manmeri wok wantaim ol na olgeta wokman i mas putim liklik mani bilong ol i go long suparenuesen bihain long ol i wok tripela mun pinis. Dispela i karamapim ol lain i wok pat taim, sait wok, ful taim wokman na ol arapela. Bikpela samting em ol i mas wok wantaim kampani moa long tripela mun pinis.

Sapos yu wok moa long tripela mun pinis olsem ful taim, pat taim, haia o sait wok na i no putim liklik mani bilong yu long suparenuesen, yu mas go hariap na lukim humen risos o pei ol opisa bilong yu long statim dispela wok.

Tingim olsem, long olgeta K1 yu putim, kampani bilong yu i mas putim K1. 40 antap long dispela. Long pablik sekta em ol wokman bai putim 6 pesen na kampani bai putim 8.4 pesen. Long praivet sekta nau em 5.5 pesen bilong ol wokman na kampani bai putim 7.7 pesen. Dispela ret bilong praivet sekta bai go kamap olsem bilong ol pablik sekta long Jenuari, 2008.

Ol kampani we namba bilong ol wokman bilong ol i aninit long 20, mipela i laikim bai ol i mas givim mani long suparenuesen bihainim laik bilong ol yet. Dispela lo bilong ol kampani husat i gat moa long 20 wokman tasol bai senis i go long 15 wokman long Me 2007 na i go daun moa long 10 long Me 2008.

I gat strongpela mekimsave bilong ol kampani husat i no bihainim dispela lo we bai lukim ol i peim fain o kisim ol arapela mekimsave.

LEON BUSKENS
MANAGING DIRECTOR

For further information contact:

- General Manager Member Services, Mr. John Auna
Ph: 309 5207 Fax: 321 3421
email: jauna@posf.com.pg
- Employer Relations Officer, Mr. Frank Kepson on Ph: 309 5270
Fax: 321 4474
email: fkepson@posf.com.pg
- POSF Head Office Member Services on Ph: 309 5244 Fax: 321 4406 or the Toll Free number Ph: 180 1414.
- POSF Lae, Mr. Aruai Doko
Ph: 472 2272 Fax: 472 6713
email: posflae@posf.com.pg
- POSF Rabaul, Mrs Senny Peril
Ph: 982 8900 Fax: 982 8901
email: posfrabaul@posf.com.pg
- POSF Mt Hagen, Mr. Allan Titip Ph: 542 1182 Fax: 542 1186
email: posfhagen@posf.com.pg



MIDIA TOKSAVE I KAM LONG MINISTA BILONG HAIA EDUKESSEN, RISETS, SAIENS NA TEKNOLOJI

LONG: KARIMAUT BILONG WANPELA AUTKAM STRATEJI LONG KISIM OL 48 NASA MEMBA I STRAIK LONG PINISIM STRAIK BILONG OL NA BAI OL SKUL KLAS I KEN KIRAP BEK LONG PNG YUNIVESITI BILONG TEKNOLOJI - GAVMAN EKSEN

Gavman i gat bikpela belwari long stat bilong 2007 akademik yia i no go het long PNG Yunivesiti ov Teknoloji (PNGUT) bikos i gat kros namel long Nesenel Akademik Staf Asosiesen na Sinia Eksekutiv Menesmen.

Dispela kros i ron painim namba tri wik bilong em nau. Aninit long ol PNGUT Bai Lo, akademik yia bilong skul bai no inap go het sapos dispela wik i pinis na i no kirap yet. Kandise bilong skul yia bai bagarapim sindaun bilong planti famili. Em i minim olsem 564 fes yia sumatin bai mas wet inap 2008 na 1,286 sumatin i bihainim skul yet bai no inap go antap wanpela level. Ol namba 4 yia sumatin bai mas wet inap 2009 long graduet. Samting olsem 570 nupela fes yia sumatin bai ol i makim bilong 2008 akademik yia. Em nau taim yunivesiti i bungim 2008, namba bilong ol sumatin bai solap inap 2500.

Long dispela as tasol na gavman i bin raun i go long Lae long Februari 24 na paitim toktok wantaim ol sinia Yunivesiti Menesmen, Yunivesiti Kaunsil, NASA na ol sumatin long stretim dispela kros. Namba wan bikpela samting long gavman sait em long pinisim dispela iligel straik ol NASA i mekim na long opim bek skul bai em i go het bihainim ol lo bilong yunivesiti.

Gavman i luksave olsem domestic maket alawens na wok i go het long bungim wanpela wanbel long yunivesiti na ol sut toktok agensim Yunivesiti na menesmen.

Long taim bilong luksave long ol lo banis long wok bilong gavman long go het, gavman i luksave olsem ol dispela hevi em kaunsil yet i mas stretim. Stia bilong Gavman em yunivesiti menesmen na NASA i mas karimaut wanpela wok plen bilong pinisim straik bilong ol NASA memba na bai skul i ken ron gen stat long Mande, Februari 26, 2007.

Nogat wanpela long dispela tupela samting i bin kamap.

Wanpela sumatin kaunsil delegesen wantaim

tupela nesenel non-akademik wokmanmeri i bin kam long Pot Mosbi long namba 4 de bilong mun Mas, 2007 we ol i bin givim petisen o askim pepa bilong ol long OHE na Komisin bilong Haia Edukesen. Ol i bin bung wantaim Minista long namba 5 de bilong mun Mas na givim ol belwari na rekomendesen bilong ol bilong pinisim dispela kros.

Gavman i bin paitim toktok wantaim Sansela, sampela memba bilong Komiti bilong Kaunsil long Nesenel Akademik Staf (COCONAS) na Vais Sansela bihainim Opis bilong Haia Edukesen we ol hevi na rot bilong stretim kros i bin kisim luksave.

Minista i bin bung gen wantaim Sansela, sampela memba bilong COCONAS na Vais Sansela, Opis bilong Haia Edukesen na Siaman bilong Komisin bilong Haia Edukesen long namba 5 de bilong Mas long tok wanbel long wanpela rot bilong pinisim straik bilong 48 NASA memba na long skul bilong kirap gen bipo long Trinde, namba 7 de bilong mun Mas. Nogat wanpela tok wanbel i bin kamap, bikos i gat ol banis bilong lo na tupela kot oda i kamaut pinis em Yunivesiti menesmen i bin mekim. Maski long dispela, Minista i luksave long:

- Kros namel long NASA na Administresen
- Kot banis agensim NASA
- Ol sumatin i lusim pinis tupela wik skul
- Bai Lo bilong PNGUT i tok olsem sapos i nogat skul i go het tripela wik long taim bilong skul i kirap, ol i ken pasim skul olgeta
- Hevi bilong fes yia enrolmen long 2008 sapos skul bilong dispela yia i no go het
- Rot bilong bikpela hevi moa i nogat luksave long stretim
- Rausim bilong ol koporet sponsasip
- Ol indastriel trening bilong ol fainal yia bai bagarap
- Ol wokmanmeri bai no inap sainim wok kontrak bilong ol
- Ol NASA memba i givim tok lukaut long olgeta bai lusim wok

Minista i wetim olgeta lain insait long dispela

kros long wanbel long sampela rot bilong bungim dispela Trinde Mas 7 detlain, na taim Minista i kisim toksave olsem nogat wanpela long dispela tupela samting i kamap yet, em i raitim pas i go long Sansela long tingting strong long:

" Kamapim wanpela miting bilong Kaunsil kwik insait long dispela wik long skelimiripot bilong COCONAS, seklim bekim bilong menesmen long ol sut toktok i kam long NASA, skelim ol NASA sut toktok, skelim Askim Pepa o Petisen bilong ol sumatin na mekim wanpela disisen long pinisim dispela kros, we i mas i gat luksave long ol dispela wok:

" Skelim tingting long Menesmen i mas lusim wok na makim wanpela namel menesmen long insait bilong Yunivesiti yet, we i gat ol namel sinia akademik bilong NASA na ol ansait akademik na sanapim bilong wanpela independen komiti aninit long PNG Yunivesiti ov Teknoloji Ekt long tok oraitim ripot bilong COCONAS, ol sut toktok bilong NASA na ol bekim bilong Menesmen long ol NASA sut toktok.

Minista i kisim stia olsem wanem ol disisen Kaunsil i mekim i mas mekim long pinisim straik bilong NASA, lukluk long ol yunivesiti progrem ol i plenim bilong 2007 na bilong ol sumatin long stap insait long skul stat long Mas 7, 2007. Moa yet, bai NASA na yunivesiti menesmen na Kaunsil i noken stopim skul bilong moa long 2,000 sumatin.


Bikos dispela tupela rot i kam long gavman i kamap na i nogat luksave long tupela bikpela kaikai bilong dispela oda, gavman i makim wanpela las detlain bilong ol sumatin long go bek long skul stat long Mas 12, 2007. Bihain long dispela detlain, Gavman bai no inap surik long stretim em yet.

Hon. David Basua, MP
Minista bilong Haia Edukesen, Riset,
Saiens na Teknoloji.

9, Mas, 2007



PNG LAW & JUSTICE SECTOR *on the move*



Australia mausman givim luksave long sekta

HAI Komisina bilong Australia Chris Moraitis i givim luksave long Lo na Jastis Sekta na tok olsem sekterol wok luksave bilong ol em i 'bilong ol yet'.

Em i wok toktok long ol hetman bilong ol lo na jastis ejensi long Pot Mosbi. Mista Moraitis i tok ol bikipela wok kamap sekta i mekim i strongim tru Nesanel Lo na Jastis Sekta Polisi.

"Mi ai op tu long visin insait long Nesanel Lo na Jastis Polisi na tripela bikipela pos bilong em, na tu kram privensen na restoretiv jastis.

"Mipela i lukim pinis olgeta birua na hevi i kamap insait long rijen bilong yumi na nabaut long wol taim ol yut na moa yet ol yangpela man i save kamapim bagarap taim ol i no amamas. Insait long ol kantri we i nogat planti

sans bilong ol yangpela pipel, ol i save tanim i go long pasin pait na stil na em i save kamap oltaim.

"Polisi bilong yu i luksave long bikipela wok bilong daunim pasin raskol bipo long em i kamap na wok wantaim ol komyuniti long luksave long dispela," Mista Moraitis i tok.

Em i tok tu olsem helpim bilong Australia i go long dispela sekta long karimaut ol rifom o senis i mas luksave long visin bilong Nesanel Lo na Jastis Polisi.

Mista Moraitis i tok olsem em i gutpela wok tru na sekta i lukim kaikai bilong wanpela Sekta Stratejik Fremwok na wanpela bikipela developmen baset, we i ken opim rot bilong moa eid program sapot.

Mista Moraitis i tok olsem em i klia olsem sapot i kam long eid



Hai Komisina bilong Australia long Papua Niugini - Chris Moraitis

program, aninit long Lo na Jastis Sekta Program na Jastis Advaisari Grup, em i stap wok insait long ol gavman sistem bilong PNG na i gutpela long

lukim dispela i kamap long sait bilong sasterabiliti o wok bilong strongim.

"Mi bin amamas long harim olsem sekta i luksave long frod na

korapsen insait long Sekta Stratejik Fremwok na i makim sampela bikipela rot bilong bihainim, we i bin kamaut long wanpela ripot em bipo Nesanel Kot Jastis Tos Barnett i bin kamapim.

"Mi ting olsem yumi ken wanbel olsem wok bilong daunim korapsen em i wanpela bikipela wok tru tasol em i wanpela wok we i mas i stap insait long developmen bilong olgeta kantri," Mista Moraitis i tok.

Em i tok insait long sotpela taim em i stap long PNG, em i bin stap insait long lonsim bilong PNG-Australia HIV na AIDS Program.

Em i givim luksave long sekta olsem ol i wok lukim HIV/AIDS olsem wanpela bikipela wok na ol i wok pulim i go insait long ol bikipela wok bisnis bilong en.

"Mi givim luksave long yu long gutpela

wok yupela i mekim pinis na mi laik strongim yupela long bihainim gut dispela rot i go.

"HIV/AIDS em i wanpela long ol hevi we mipela i no inap long pasim ai long en olsem ol biknem lida insait long komyuniti bilong yupela, na yupela i sanap naut long wanpela rot bilong apim mak bilong save long HIV/AIDS namel long ol wokmanmeri, ol kliaent o kastoma na komyuniti wantaim," Mista Moraitis i tok.

Em i tok moa yet olsem wanpela samting we i pas tru HIV/AIDS em ol sindaun bilong meri na moa yet long sait long pasin bilong paitim meri.

Taim em i tok amamas long sekta, em i tok wok bilong daunim pasin pait long ol meri na wok sekta i mekim bilong bekim na daunim dispela hevi i gutpela.

"Em i no wanpela bikipela humen raits hevi tasol, em i wanpela jenda vailens isiu we i ken daunim strong bilong ol komyuniti, em i ken givim bikipela hevi long helt na strong bilong ol meri long wok na i save daunim sanap bilong kantri long gro insait long ekonomik na sosal developmen.

"Long gat ol komyuniti lida na ol lain long lo na jastis sekta, i mobeta long luksave long strong bilong ol hevi na stretim ol dispela hevi we i ken larim pasin bilong paitim meri i go het yet," Mista Moraitis i tok.

Em i tok tu olsem em i gat bikipela bilip olsem strongpela wokbung bai go het yet long bihain taim na em i skin kirap long wok bung wantaim ol sekta ejensi na painim rot bilong helpim yupela mekim wok bilong yupela.

Sekta i givim luksave long ol bikipela wok anti-korapsen

LO na Jastis Sekta (PNGLJS) i gat strongpela tingting long stretim ol hevi bilong frod na korapsen insait long kantri, Dairekta bilong PNG Lo na Jastis Sekta Sekreteriet Kepas Paon i tok.

Mista Paon i tok olsem ford na korapsen na hevi em i wok givim kantri em i bikipela tru na sekta i kirapim pinis wok bilong daunim dispela ol hevi.

"Mipela i kamapim dispela ol wok insait long Sekta Stratejik Fremwok (SSF) i strongim insait long wok bilong yumi.

"Ol sekta ejensi i bekim tu na planti i wok stretim ol wok bilong ol yet long poromanim dispela," Mista Paon i tok.

Em i tok Lo na Jastis Sekta em i wanpela long ol fes sekta long bekim singaut bilong gavman long kamapim moa wok akauntabiliti na transparansi o wok ples klia wantaim sampela bikipela wok kirap.


Mista Paon i tok maski

bikipela bilong sekta na ol kain kain konstitusenel lo toktok, em i strongim sanap bilong em long daunim strong bilong korapsen.

Sanapim bilong Nesanel Anti Korapsen Alaiens (NACA) em i wanpela bikipela wok kamap, wanpela we i bungim na kirapim ol kain kain sekta ejensi long wokbung long daunim dispela hevi.

Wanpela Memorandum ov Agrimen (MOA) em ol lain husat i bin sainim em Ombudsman Komisn, Polis, Dipatmen bilong Fainens, Opis bilong Pablik Prosekyuta, Opis bilong Atoni Jeneral, Intenel Reveniu Komisn, Opisa bilong Solisita Jeneral, Dipatmen bilong Provinsel Afes na Dipatmen bilong Pesenol Menesmen.

Mista Paon i tok aninit long NACA i gat luksave olsem olgeta ol dispela dipatmen i ken bungim ol risos bilong ol, serim ol aidia o tingting na



Dairekta bilong PNG Lo na Jastis Sekta Sekreteriet, Kepas Paon

wokmanmeri long stretim ol hevi.

Wanpela NACA sekreteriet i bin kirap we i lukim makim bilong wanpela dairekta bilong lukautim ol wok bilong en.

"Bihain long kirap bilong NACA, em i bin kamapim sampela

bikipela wok na mipela i gat bikipela tingting olsem wok bilong em bai go yet," Mista Paon i tok.

Wanpela wok painimaut we NACA i bin go pas long en i rausim planti bikipela hevi insait long Sauten Hailans Provinsel Gavman 'perol skem'. Dispela wok em

ol opisa bilong Dipatmen bilong Fainens, provinsel afes na ol polis investigeta i bin karimaut.

Long dispela wok painimaut, wanpela ten eit (18) manmeri em ol i sasim ol wantaim pasin bilong paulim mani bilong gavman inap long K2 millien.

Narapela bikipela wok kamap we sekta i karimaut em sanapim bilong Frod na Korapsen Aktiviti Menesmen tim (AMT).

Mista Paon i tok olsem AMT i save wok aninit long stia bilong Sekta, na i gat ol sinia opisa bilong sekta i mekim wok i stap.

Dispela grup i bin bihainim ripot bilong bipo Jas Tos Barnett long Paitim Korapsen na Promotim Intekriti o Stretpela pasin insait long pablik laip long Papua Niugini.

Em i tok olsem wanpela long ol bikipela as tingting bilong grup em i lukluk long daunim korapsen insait long LJS taim ol i mekim ol intenel

intekriti rivyu long ol ejensi long kamapim ol hevi na pasim rot bilong pasin frod na korapsen.

Narapela hap wok bilong em, Mista Paon i tok em long karimaut 40 rekomendesen insait long Barnett ripot wantaim wokbung namel long ol ejensi.

Mista Paon i givim luksave tu long ol opis husat i bin wokbung long sanapim NACA na Frod na Korapsen AMT.

"Bikipela wok i go insait long plenim na lukim sampela ol dispela aidia i karimaut. Salens bilong yumi nau em long pulim dispela wok i go het yet na kamapim ol nupela na mobeta rot long strongim wok bilong mipela," Mista Paon i tok.

Em i tok ol hetman bilong ol lo na jastis ejensi, em Nesanel Kodineting Mekanisim (NCM) i mekim nem bilong ol tu, taim ol i makim ron na spit bilong daunim ol wok frod na korapsen.

Ol Intenel Roving Oditi wok long ol akaun i kamap oltaim na dispela i wok kamap olsem rot bilong painim wanem ol paul wok i kamap insait long ol wok mani insait long sekta yet. LJSS i wok wantaim ol ejensi long strongim pasin bilong bihainim stret wok o komplaiens na dispela em i bikipela wok tru.


"Mipela i laki long gat sapot i kam long NCM, na dispela em i bikipela rot long stretim olgeta sindaun bilong ol ejensi bilong mipela. Strong bilong ol i soim klia rot i go het, na em i soim tu olsem ol i gat bikipela tingting long mekim dispela wok," Mista Paon i tok.

Em i bin tok tu olsem salens nau i stap long ol wokman insait long provins bai ol i ken bihainim gut olgeta senis i kamap.

Dispela, em i tok bai kisim luksave insait long wanpela Provinsel Enkesmen Strateji (Provincial Engagement Strategy) we sekta yet bai kamap.



PNG LAW & JUSTICE SECTOR *on the move*



'Daunim HIV i no hevi bilong ol nes na dokta tasol' - Baki

POLIS Komisina Gari Baki i tok olsem wok bilong daunim HIV i no hevi bilong ol nes, dokta na ol arapela insait long helt sekta.

Komisina Baki i bin mekim dispela toktok taim em i opim wanpela intanesenel bung bilong ol polis long HIV. "Yumi mas bekim wantaim na kwiktaim sapos mipela i laik strong long daunim gro bilong HIV," Mista Baki i tok insait long bikpela toktok we Ekting Deputi Komisina bilong Polis Jim Andrews i bin ritim.

Komisina Baki i tok olsem Royal Papua Niugini Konstabulari (RPNGC) i laik developim mobeta gutpela na strongpela bekim mo i go long HIV epidemik insait long Papua Niugini.

Maski Komisina Baki i no bin stap long dispela miting, em i salim tok sapot bilong em bilong RPNGC long stretim hevi bilong HIV bilong ol memba bilong polis na ol komyuniti insait long PNG.

Ekting DCP Andrew i toktok makim Komisina na i tok, "Em i bikpela samting long mipela i mas soim long kantri na ol wokmanmeri bilong yumi olsem yumi wok bekim HIV epidemik, na mipela i ken soim tru tru lidasip long dispela isiu."

Pasifik Ailans Sief bilong Polis mausman long dispela miting, Alistair MacDonald, i tok olsem polis i save mekim wok namel long ol manmeri i gat HIV na ol i stap long gutpela mak bilong helpim long banisim ol long kism dispela HIV binatang.

Mista MacDonald i tok klia olsem sampela long ol intanesenel stadi i soim olsem ol polis yet i ken kism HIV. Em i klia olsem wok bilong polis, wokabout bilong ol long mekim wok bilong ol taim ol i save longwe long ples na luksave bilong ol i givim ol bikpela pawa insait long komyuniti na i ken opim rot long ol i kism HIV moa yet taim ol i mekim wok bilong ol.

Ekting DCP Andrews i tok olsem, "Wanpela Polis sevis we i sik na i wok indai i no inap i gat inap strong na disiplin wankain olsem wanpela i helti."

Ol UNAIDS ripot i tok olsem insait long sampela hap we ol i karim bikpela hevi bilong HIV, ol sik bilong AIDS na dai i ken daunim tru strong bilong polis long paitim raskol pasin na strongim lo na oda."

Insait long ol mun i go pinis, RPNGC i kamapim wanpela nupela wokples polisi long HIV we bai go long ai bilong wanpela polisi advaisari komiti long ol wik i kam bai ol i ken tok oraitim. RPNGC tu i save mekim ol polis awenes trening long HIV.

Ol lain husat i sindaun long dispela tripela de polis sevis miting i kamap long Pot Mosbi em ol sinia wokmanmeri bilong RPNGC, Solomon Ailans Polis na Vanuatu Polis. Trening miting, we Intanesenel Leba Ogenaisesen (ILO) i bin lukluk long



Polis Komisina Gari Baki

ol wokples HIV polisi rivi na developmen bilong ol polis sevis.

Wankain ol polisi developmen miting we ol Pasifik Ailan Sief bilong Polis (PCIP) yet aninit long wok bung wantaim UNAIDS em bai kamap long Fiji na Guam long helpim 21 memba rijinel polis sevis bilong PCIP.

Olgeta tupela ten wan (21) polis sevis i bin sainim wanpela Deklaresen ov Patnasip wantaim UNAIDS long pinis bilong mun 2005 na i

wok mekim wanpela koleboretiv rijinel polis HIV Progrem long bekim ol bikpela belwari long ol ripot bilong ol HIV infeksen insait long polis sevis na insait long bikpela komyuniti tu.

Progrem em ol i mekim bilong strongim polis sevis insait long rijen long bekim HIV epidemik insait long ol eria bilong HIV awenes trening, polisi na lidasip developmen na long givim moa polis wok awenes long ol HIV wok.

Kot Yusas Forum i ken strongim ol lo na jastis sevis: Jas i tok



Ol Sekta Ejenisi long wanpela Kot Yusa forum long Lae.

WANPELA sinia kot jas i strong olsem Kot Yusas Forum (CUF) i ken helpim ol lo na jastis ejensi long strongim ol sevis bilong ol i go long pablik.

Nesanel Kot Jas bilong Lae, Jastis Nicholas Kirriwom i tok olsem nau Lae i statim ol dispela miting, i mas i gat mobeta wok sevis i kamap long ol kot.

Jastis Kirriwom i tok olsem ol forum i gutpela sans bilong ol ejensi long lukim olsem ol i ken helpim ol yet.

"CUF em i wanpela nek we i bungim yumi olgeta. Mipela olgeta i mas stat wok wantaim na i no sanap yumi yet," Jastis Kirriwom i tok.

Em i tok moa olsem Lae CUF i wok strong moa na helpim i kam long sekta i soim klia olsem em i nidim ol stia na helpim we ol ejensi i stap long Lae i givim pinis.

Em i tok tenkyu long ol ejensi long ol i kam kamap na askim ol long go het long mekim dispela bikos i gat planti wok i stap long mekim sapos ol i ken wok bung wantaim. Jastis Kirriwom i tok tenkyu long sekta long helpim ol i givim, moa yet long stretim ol Opis bilong Pablik Solisitas na Pablik Prosekyutas, na baim bilong ol nupela kar.

"Ol loya i nidim ol gutpela risoses na dispela ol helpim, mi save em bai helpim ol long wok bilong ol," Jastis Kirriwom i tok.

Ol arapela kot yusa forum i kamap pinis long Goroka, Pot Mosbi na Rabaul, we ol i wok kism planti gutpela bekim i kam long ol ejensi na ol arapela stekholdas.

MS i makim spit wantaim HIV/AIDS HAMP woksop

SIEF Majistret John Numapo i laikim ol sinia majistret long klia gut long HIV/AIDS bai ol i ken stretim gut HIV/AIDS Menesmen na Privensen Ekt Implimentesen (HAMP).

Mista Numapo i bin opim wanpela tripela de woksop ol Majisterial Sevises na em i tok olsem as tingting bilong woksop em long glasim na klia gut long nupela HAMP Ekt em palamen i bin tok oraitim long 2003.

"Mak bilong pawa aninit long dispela Ekt i stap insait long Distrik Kot. Dispela i minim olsem mipela olsem ol majistret, em mipela

bai wok wantaim ol kes i gat HIV/AIDS insait long en.

"Long poromanim dispela sabstentiv lo (HAMP Ekt), mipela bai lukluk long kamapim ol kain kain Rot bilong mekim wok na tu kamapim ol including prektis daireksen long karimaut dispela Act," Mista Numapo i tok.

Em i tok olsem HIV/AIDS em i wanpela bikpela isiu insait long PNG na i no inap stap em yet olsem wanpela helt isiu bikos em bai bagarapim sindaun bilong kantri long komyuniti na ekonomik sait.

"Olgeta wan wan sekta bilong komyuniti i mas bung wantaim

long dispela pait agensim HIV/AIDS. Em i mas wanpela bikpela wokbung i kam long olgeta wan wan manmeri long daunim na kontrolim gro bilong dispela sik nogut," Mista Numapo i tok.

Ges Spika Kokta Joachim Pantumari bilong Nesanel AIDS Kaunsil i tokim ol majistret olsem nesanel gavman i mas papa long dispela nesanel bekim taim em i makim mani long en.

Em i tok tu olsem i gat wanpela nid long strongim wok mak bilong ol nesanel na provinsel straksa long strong na go pas long menesim ol nesanel bekim na provinsel pro-

grem. Sinia Majistret Iova Geita i tok dispela woksop i kamap long gutpela taim na em i opim ai bilong em na ol wanwok bilong em.

"Awenes woksop i gutpela tru bikos ol majistret olsem ol judisel opisa bai sindaun gut long klia na luksave long HIV/AIDS em wanem samting na skelim taim ol i givim ol jasmen bilong ol," Mista Geita i tok.

Majisterial SEvis em i wanpela long ol bikpela lo na jastis sekta ejensi husat i save karimaut wok awenes wantaim ol rejistri klak, wokmanmeri na sapot wokmanmeri.

Tok nogat long ol posin man: MP

WANPELA Memba bilong Palamen i laikim ol pipel bilong em mas lus tingting long kism helpim long ol posin o glasman na go bek na mekim wok long graun.

Lida bilong Christian Democratic Party Dokta Banare Bun i tokim ol pipel bilong em long Henganofi olsem ol posin man i stap long as bilong planti pasin as bilong planti pasin nogut we i no save go long han bilong polis na nau em i mas stop.

"Mi singaut strong long yupela olgeta gutpela manmeri long stopim dispela pasin. Glasman, posin man o wanem samting yupela save kolim ol i nogat ples insait long komyu-

niti bilong yumi. Mipela wanpela Kristen kantri na mipela i mas bihainim stia bilong Baibel," Dokta Bun i tok.

Em i tok tu olsem planti ol posin man i wok mekim bikpela mani long ol liklik manmeri, na planti taim, strong bilong ol i save kamapim planti hevi insait long komyuniti.

Dokta Bun i tok Henganofi veli em i wanpela long ol bikpela ples bilong groim kopi na ol pipel i mas luksave long dispela.

"Em i taim bilong mipela long go bek long graun. I nogat taim bilong pilai kas na sindaun nating. Tingim ol les manmeri i no save painim nunela samting

long laip na yu nogat as long tok em i taim nogut," Dokta Bun i tok.


Em i singaut moa long ol lain husat i save pait insait long ol bikpela traibel pait long lusim ol pait gan bilong ol na larim bel isi i stap oltaim.

Dokta Bun i tok planti laip i lus pinis na planti moa bai lus sapos dispela pasin i go het yet.

"Larim mipela i mekim 2007 wanpela nupela na strongpela yia na rausim ol pasin nogut agensim distrik bilong yumi. Olsem memba mi bai lidim yupela olgeta, tasol mi nidim olgeta helpim mi ken kism," Dokta Bun i tok.



PNG LAW & JUSTICE SECTOR *on the move*



Polis Hetkwota strongim disiplin

OL BIKMAN bilong polis bai strongim disiplin o pasin bilong harim tok i go long wokfos bilong ol long traim apim mak bilong wok polis i mekim. Man i go pas em Asisten Komisina bilong Polis (ACP) Geoffrey Vaki, husat i Ekting Kontrola bilong Stet ov Imejensi insait long Sauten Hailans. "Mipela i nid long bringim bek disiplin i go long fos. Wok polis em long disiplin na wanem opisa husat i no inap long bihainim i mas lusim fos nau," Mista Vaki i tokim ol wokman-

meri long Polis Hetkwota. Em i tokim ol wokmanmeri long yunifom na ol sivilien tu olsem ol i mas amamas long karim nem bilong polis bikos em i givim ol wok na ol i mas bekim. Mista Vaki i tok tu olsem pasin bilong les i wok long kamap nau insait long wok bilong polis na stretpela wok tingting i no moa stap. Em i odaim ol manmeri i save salim buai long pasim ol maket i stap arere long ol polis stesin. "Disiplin i mas stat hia long polis hetkwota. Em i minim olgeta opisa; ol

yunifom na sivilien wantaim bai mas bihainim. Ol lain husat i no laik bihainim em bai mipela sasim ol," Mista Vaki i tok. Em i tok Polis Komisina Baki i gat strongpela tingting long strongim bek luksave na ona i stap long Royal Papua Niugini Konstabulari na dispela em i gutpela taim nau long stat. Mista Vaki i tokaut tu olsem ol bai sanapim wanpela Impruvmen Komiti husat i kisim tok orait bilong komisina na bai bisi long mekim wok. Em i tok olsem disi-

plin na wok tingting em ol bikipela samting i mas i stap na komisina wantaim ol sinia opisa bilong em i laik strongim dispela kain wok pasin. "Mipela i gat strongpela tingting long mekim sampela senis na mipela nidim helpim bilong yupela. Dispela em i polis fos bilong yumi na yumi mas onaim," Mista Vaki i tok. Ol arapela samting ol bai lukluk long en em smuk insait long ol opis, ol longpela belo taim malolo, kain kain manmeri i go painim ol polisman olgeta taim na pasin bilong lukautim ol opis bilong polis fos.

Strongim tumbuna pasin bilong wok lukautim: PPC

WANPELA sinia polis opisa i bilip olsem moa luksave i mas go long pasin tumbuna bilong wok gavanens na i ken helpim sekta long luksave na stretim sampela long ol bikipela lo na oda salens. Ekting Westen Hailans Provinsel Polis Komanda Sief Inspekta Kaiglo Ambane i tok trening na luksave long tumbuna pasin bilong stretim hevi na luksave long sanap na nem bilong man i mas strong moa. "Mipela nid long lukluk long sampela long ol dispela rot bilong stretim hevi, na planti long ol i wok long dai na lus olgeta bikos i gat planti nupela senis. Tasol i gat rispek na luksave. Mipela i mas strongim ol dispela samting," Mista Ambane i tok. Em i tok wanpela long ol hap we dispela rispek na luksave bilong ol lo i wok long bruk daun em bikos ol tumbuna lo i ken helpim long bringim bek bel isi na gutpela taim. Mista Ambane i toktok long ol pasin pait i kamap long saif bilong tumbuna gavanens we i no moa stap tude. "Mi ting olsem mipela i gat taim yet. Ol pipel i pas strong long klen o pisin



Ekting Westen Hailans PPC, CIP Kaiglo Ambane.

eria bilong ol na mipela i mas strongim ol dispela kain pasin. Mi save olsem planti gutpela lain i laik lukluk long sios na tumbuna pasin long stretim ol hevi," Mista Ambane i tok. Em i tok olsem sekta i mas wok klostu long ol Viles Kot na tu ol provinsel gavman long makim wanpela rot bilong stretim dispela kain ol bikipela hevi. Mista Ambane i tok ol rifom i no long taim i go pinis long provinsel na lokol level gavman i mas kisim moa luksave bikos em i wanpela bikipela eria we i ken daunim tumbuna wok gavanens.

PS opis bai strongim wok

PABLIK Solisita Frazier Pitpit i gat strongpela tingting long strongim wok bilong ol opisa bilong em bai ol i ken sevisim gut ol klaien bilong ol. Mista Pitpit i tok edukesen na trening bilong ol wokmanmeri bilong em, em ol loya em i wanpela bikipela wok plen we i kirap long opis bilong em yet long sevim planti Papua Niugini manmeri, husat i nogat inap mani long haiarim ol loya. "Mipela strong long lukim ol opisa bilong mipela i mas wok i go pas long ol senis insait long wok bilong yumi. Em nau bai ol opisa bilong mipela i ken klia gut long stretim ol hevi bilong ol klaien bilong mipela," Mista Pitpit i tok. Em i bin toktok long Profesenel Developmen Program trening bilong

ol, na em i tok olsem opis bilong em bai go het long pulim olgeta wok manmeri bilong en i go insait long ol kain kain trening program. Ges Spika bilong dispela bung em Jastis Bernard Sakora husat i singaut long ol loya long mekim gut wok bilong ol, na sevim ol grasruts manmeri. Em i tok opis i gat pawa aninit long konstutusen na i mas oltaim lukluk long ol pipel bilong PNG bai ol i ken kisim gutpela sevis. Jastis Sakora i salensim ol loya long redim ol yet bipo ol i go sanap long ai bilong kot. "Larim mi tokim you gen olsem wok rere em i bikipela samting long ol loya na mi laikim yupela olgeta long bihainim strong dispela samting olgeta taim," Jastis Sakora i tok.



Pablik Solisita Frazier Pitpit (namel) wantaim loya Russell Uware na Jastis Bernard Sakora (raithan)

Em i tok tu olsem ol jas i save lukluk long ol loya i mas redi gut bipo ol i go long ai bilong ol; na ol kot i ken ron hariap. Sinia Loya Michael Norum i tok kos i bin wanpela gutpela wok sekim gen long luksave long save mak bilong ol loya. "Mi save olsem sapos mipela i kisim sampela moa sesen, bai save

bilong mipela i sindaun gut. Mipela no save sindaun long sampela ol dispela kos olsem na i gutpela sans tru bilong mipela long mekim sampela senis," Mista Norum i tok. Kos em i namba wan kos we ol Pablik Solisita i stretim, i no olsem bipo we planti trening i save kam aninit long lukaut bilong Dipatmen bilong Jastis na Atoni Jeneral.

Polis TV program karim gutpela kaikai

DAIREKTA bilong Polis Midia Yunit, Suptenden Dominic Kakas i tok planti gutpela wok i kam long pablik long bekim singaut bilong Kraim Stopas (Crime Stoppers) program long EM TV i wok lukim polis i holim bek sampela strongpela raskol insait long kantri. "Dispela i gutpela tru na i soim olsem pablik i wok long go pas long helpim stretim ol lo na oda hevi bilong kantri," Suptenden Kakas i tok. "Konstabulari i luksave olsem mipela yet i no inap long paitim ol hevi bilong lo na oda. Mipela nidim sapat na wokbung bilong olgeta manmeri long strongim lo na oda. Dispela luksave long wok bung wantaim i stap insait long Kopret Plen bilong mipela i go inap long 5-pela krismas i kam we mipela i mekim wok bilong mipela long wok wantaim olgeta lain i laikim gutpela sindaun insait long komyuniti. "Sampela long ol gutpela kaikai dispela program i lukim em : "Man husat i bin kilim

wanpela meri Saina long Kina Mart Shop long Pot Mosbi long 2003 em mipela i holim em long 8-mail setelmen long mun Oktoba 2006 bihain long ol manmeri bilong pablik i lukim em na toksave long polis. "Wankain tasol, wanpela biknem kalabus husat i ronawe long Buimi haus kalabus long Lae em polis i holim em long Wewak long Oktoba bihain long ol pipel husat i lukim piksa bilong em long Crime Stoppers i ripotim em long polis long Wewak; "Insait long tupela arapela kes long Oktoba na Novemba long Lae, Morobe provins, pablik i tokim polis ol i lukim tupela biknem raskol. Polis i mekim wanpela spesol operesen long holim tupela man ya na ol i sutim na kilim ol taim ol i laik ronawe gen. "Program i helpim tu polis long Pot Mosbi long go aut na toktok

wantaim ol man husat i wok paulim mani long Dipatmen bilong Fainens. Wanpela saspek husat i bin go hait em ol i bin givim em long han bilong polis taim pes bilong em i bin kamap long Crime Stoppers program taim ol pablik long Simbu i holim wanpela long ol na bringim em long Pot Mosbi. "Mak bilong sapat mipela i kisim long pablik em i gutpela, na i soim olsem ol pipel i les pinis long raskol pasin na ol criminal. Tasol mipela i gat planti moa wok long mekim yet. Raskol pasin na ol raskol i nogat ples insait long komyuniti bilong yumi. Wok wantaim mipela na strongim sindaun bilong komyuniti bilong yu. "Mi laik tok tenkyu long ol sponsa bilong dispela program. I gutpela olsem ol i gat laik long sapatim dispela program yet," Mista Kakas i tok.

Nupela Henganofi polis stesin i strongim polis wok

OL BIKPELA wok stretim i kamap long Henganofi Polis Stesin nau bai helpim wok bilong was long ol raskol pasin i kamap long Okuk Haiwe. Mamba bilong Henganofi, Dokta Banare Bun i tokaut long dispela tingting na em i tok em i laikim bai polis i ken bekim na givim helpim long strongim wok bilong ol yet.

"Mi laikim yu long mekim gut wok long dispela stesin. Em bai helpim long strongim gutpela wok yupela olgeta i makim i kam inap nau," Dokta Bun i tok. Em i tok tu olsem plis stesin em i wanpela gutpela polis stesin bikos planti ol lain manmeri i yusim haiwe bai lukluk long en taim ol i ron i go olsem long Barola maunten.

Dokta Bun i tok tu olsem stretim bek wok long stesin bai ron poromanim ol wok Distrik Opis i wok mekim. Dokta Bun i singaut long ol manmeri long lusim pasin bilong pilai kas na go bek long graun na tu long lusim ol arapela raskol pasin bilong ol. "Mipela i gat planti blessing wantaim kopi na gutpela graun i gat

gris. Mi laikim yupela olgeta long go bek na wok long graun na kisim kaikai long en. Sapos yu hatwok long graun, yu bai no inap hangre gen," Dokta Bun i tok. Em i tok tu olsem ol i donetim tu wanpela polis kar bilong yusim long dispela hap rot na em i bilip olsem taim kantri i go long ileksen dispela yia, polis wok bai strong moa lond dispela hap.

Dispela Spesol i kam long LJS Midia Tim Luksave long: Cletus Ngaffkin, Dominic Kakas, Richard Mandui, Bonner Tito. P. O. Box 840, Port Moresby - Ph. 323 3144 Fax: 323 3966 Email: joe.kanekane@lawandjustice.gov.pg Website: www.lawandjustice.gov.pg



MIDIA STETMEN

MI STRONGIM LUKSAVE BILONG MI LONG BRINGIM OL SEVIS I GO LONG OL PIPEL NAU MI KLIA PINIS LONG OL SUT TOKTOK BILONG PASIN BRAIBERI

Mi laik toksave wantaim bikpela amamas tru, olsem Nesenel Kot disisen long Mande namba 5 de bilong mun Mas, 2007 i bin rausim olgeta hap bilong wanpela kot petisen o askim pepa i salensim strong bilong ileksen win bilong mi olsem NCD Rijinel Memba long ol sut toktok bilong braiberi insait long NCD Rijinel Bai lleksen we mi bin winim wantaim bikpela namba.

Kot i mekim disisen bihainim sait bilong mi bikos plentif i no bin inap givim evidens bilong strongim sut toktok bilong em olsem mi bin grisim ol manmeri wantaim mani bai ol i votim mi.


Dispela kot disisen we i kliaim mi, nau mi strongim moa tok klia olsem mi no bin givim wanpela gris mani long ol manmeri long votim mi na win bilong mi i kamap long hatwok na nem bilong mi yet.

Em i sori tru olsem mi bin stap insait long dispela longpela kot we i bin pulim rausim ai bilong mi long ol pipel bilong mi bikos mi bin laik kliaim gut nem bilong mi long ai bilong kot.

Maski dispela i kamap, mi luksave long konstitusenel rait bilong ol wanresis bilong mi long autim tingting bilong em long kot na mi bihainim olgeta oda bilong kot, maski mi save olsem mi kisim sut toktok we i nogat as bilong en.

Dispela kot disisen nau i strongim ileksen win bilon mi olsem em i klia na kamap long hatwok bilong mi yet long givim sevis long ol pipel bilong Nesenel Kapitel Distrik.

Nau wanpela independen opis i kliaim mi, mi wan handret pesen strong moa long givim sevis long ol pipel bilong mi long mak bilong strong na save bilong mi insait long dispela sotpela taim i stap bipo long ileksen i kamap.



HON. WARI J VELE MBE, MP
NCD GAVANA
Siaman bilong NCDC

Mi laik strongim tok promis bilong mi i go long ol pipel bilong mi na mi laik strongim tingting bilong ol long namba wan bikpela wok luksave bilong mi long givim sevis long ol.

Ol wan wan sevis progrem nau i go het insait long siti olsem Waigani Draiv apgredim projek, namba tri hap we ol bipo bod bilong NCDC i no bin traim pinisim inap mi kamap siaman bilong bod.

Dispela rot apgredim projek i mas kamap long pinisim gut ol dispela rot we i no bin gat inap luksave bipo.

Insait long ol wok bilong mi bilong kamapim wanpela mobeta Pot Mosbi, lo na oda i kamap wanpela bikpela wok bilong mi wantaim edukesen, klinim siti, infrastraksa developmen na helt bihainim ol wok bilong Nesenel Kapitel Distrik Komisin.

Mi strongim Komisin long pait agensim HIV/ AIDS insait long siti wantaim ol gut-

pela baset sapot long kamapim strongpela kempen agensim dispela sik nogut.

Mi pilim olsem helt na gutpela sindaun bilong ol pipel em i bikpela wok Komisin i mas mekim bilong ol pipel.

Nau mi wok pulim wara i go insait stret long ol haus insait long ol setelmen long daunim ol hevi ol i save bungim olgeta de long sait bilong wara.

Sindaun bilong ol manmeri na wara saplai insait long ol setelmen i olsem, na mi pilim olsem ol pipel i no kisim dispela bikpela sevis, na dispela i daunim luksave bilong ol manmeri long wara olsem wanpela bikpela samting.

Mi gat sapot bilong olgeta lain i ken mekim dispela projek i karim gut kaikai na sapos yumi wok bung wantaim, yumi ken givim ol sevis i go long ol pipel.


Em i bikpela laik bilong mi long lukim wara projek i kirap kwik taim na mi bai mekim dispela.

Sapos mi gat sans, mi laik askim wokbung na sapot bilong olgeta manmeri insait long Pot Mosbi long helpim wantaim bikpela luksave long givim ol dispela sevis pipel i nidim.

Mi singaut long bilip na luksave bilong yu long lidasip bilong mi long NCDC olsem atoriti bilong lukautim siti na mi amamas long bikpela komitmen bilong mi long sevim yu.

Mi sanap redi long mekim wok bilong yu na mi bai yusim olgeta save bilong mi long givim sevis long yu.

HON. WARI J VELE, MP
NCD GAVANA
Siaman bilong NCDC



YUMIFM Redio Program

Program bilong Wanwan De - Mande - Fraide

6am - 10am - Sankamap show - Host: Kas.T
 6:15am - Komuniti Notis Bod
 6:30am - Nius Hetlain / Bondei grtings
 STOP & SHOP GES FAIA KOMPETISEN
 6:45am - Niuspepa Hetlain
 7:00am - Major Nius Bulletin - YUMIFM Nius Senta
 7:15am - Powerhaus Hit prediksen
 7:30am - STOP & SHOP GES FAIA KOMPETISEN
 8:00am - Major Nius Bulletin - YUMIFM Nius Senta
 8:15am - YUMIFM Bisnis / Market Ripot
 8:30am - STOP & SHOP GES FAIA KOMPETISEN
 9:00am - Nius Bulletin - YUMIFM Nius Senta
 9:15am - Luksave long Komuniti (Redio Pilai)
 9:30am - STOP & SHOP GES FAIA KOMPETISEN
 9:45am - YUMI PAINIM WOK Segment
 10:00am - Nius - YUMIFM Nius Senta
 10am - 2pm - Monin Trek na Belo Pack -
 10:10am - Lukatim yu yet - Helt toktok - RH Hyper Mart
 10:15am - Powerhaus Hit Prediksen
 10:45am - YUMI PAINIM WOK Segment
 11:00am - Nius - YUMIFM Nius Senta
 11:10am - cont'd - Lukauti yu yet - Helt toktok
 11:30am - Nius Hetlain b'long Belo Taim
 12:00pm - Major Nius Bulletin - YUMIFM Nius Senta
 12:10pm - ESI COOK RICE Belo taim Dediksen
 12:15pm - Komuniti Notis Bod
 12:20pm - cont'd ESI COOK Belo taim dediksen
 1:00pm - Nius - YUMIFM Nius Senta
 1:10pm - cont'd ESI COOK RICE Belo taim dediksen
 1:15pm - Powerhaus Hit Prediksen
 2:00pm - Major Nius Bulletin - YUMIFM NUIS SENTA
 2pm - 6pm - Avinun Draiv Taim - Host: UNCLE ET
 2:00pm - 4:00pm (Tunde / Fondei) TOKAUT TOKSTRET
 2:45pm - YUMI PAINIM WOK Segment
 3:00pm - Nius - YUMIFM Nius Senta
 3:10pm - Avinun cruz
 4:00pm - NIUS - YUMIFM Senta
 4:10pm - SAUT B'long UNCLE ET - foapela singsing
 4:30pm - Nius Hetlain
 4:45pm - YUMI PANIM WOK Segment
 5:00pm - Nius - YUMIFM Nius Senta
 5:10pm - 6:00pm - FLAME KULCHA (1 hr)
 6:00pm - MAJOR NIUS BULLETIN - YUMIFM NUIS Senta
 6pm - 00am - NAIT BEAT - Host: ANGRA KENNEDY
 6:10pm - 7:00pm Mon kamap sho
 6:15pm - Powerhaus Hit Prediksen
 6:45pm - Komuniti Notis Bod (Toksava wantaim Vaviessie)
 7:00pm - 9:00pm - COCA COLA GARAMUT
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW
 00:00 - Early Monin Taim Cruz (ol lain brukim tulait So)


Lukluk raun long wiken...




LUKIM GUTI Rexford Bernard i lukluk long sapela stem we ol i droim bilong ol edukesen lain.



LO NA JASTIS: Wanpela stem bilong ol Lo na Jastis lain.



BUNG WANTAIM: Lo na Jastis stem bilong yumi bung wantaim na pait egens lo na oda. *Oi Foto: Nicky Bernard na Andrew Molen*



HELT STEM:Stem bilong helt we i soim mama i givim susu long pikinini na tambu long givim susu long beibi botol.

SP WIKLI HIT HIT PARADE

Sarere 17/3/2007

- 1(11) Swit Love Patti Potts Doi
- 2(9) Lite malar Patti Potts Doi
- 3(8) Auna Fonza Mogai
- 4(7) Tara Wai ? Taifa Maraga
- 5 Talaigu Patti Potts Doi
- 6 Missing Roses Moqai
- 7 Esi Madi Taifa Maraga
- 8 Secret Daville
- 9(3) Mosong pikinini Junior Insects
- 10 Tau Taine Nahorau'u
- 1 Tau Noho Nahorau'u
- 12 Island Walai Mr A
- 13 Tago Urere Patti Potts Doi
- 14 Tehine Moana Nahorau
- 15 Lady Kairuku Moqai
- 16 U.B.Y Medley Empis of Oro
- 17 Sangmala Girl Daville
- 18 Kadis mulai Junior Insects
- 19(5)Sumi Rere Lerams of Kagua
- 20 Ariama Lerams of Kagua



GUT TAIM:Mama wantaim ol pikinini i go raun lukim ol droin piksa bilong ol kainkain stem we ol pikinini i salim i go long resis bilong stem. So i kamap long Holide Inn las wik Sarere.

RADIO AUSTRALIA TOK PISIN PROGRAM HARIM LONG: 101.9 FM

Radio Australia Tok Pisin Program - MANDE

Moning - Nait

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Nius
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE Moning - Nait

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE Moning - Nait

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE Moning - Nait

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE Moning - Nait

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE Nait

7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE Nait

7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Redio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

TV GAID

FONDE 15 MAS, 2007

5.29AM STATION OPEN
 5.30AM G JOYCE MEYER
 Religious programme
 5.00AM G TODAY
 9.00AM G CREFFLO DOLLAR
 Religious Program
 9.30AM CLASSROOM BROADCAST
 2.59PM STATION RE-OPEN
KIDS KONA
 3.00PM G WIGGLES
 3.30PM G HI-5
 4.00PM G HOT SOURCE
 4.30PM G THE SHAK
 4.57PM G EMTV TOK SAVE
 5.00PM G THE SLEEPOVER CLUB
 2.9P G EMTV NEWS UPDATE
 5.30PM G BERT'S FAMILY FEUD
 6.00PM G NATIONAL EMTV NEWS
 6.30PM G A CURRENT AFFAIR
 6.59PM G NEWS UPDATE IN TOK PISIN
 7.00PM G TEMPTATION
 7.30PM G SPORT SCENE
 7.57PM G EMTV TOK SAVE
 8.00PM M 24
 One of the most innovative, thrilling and

acclaimed drama series on television, 24, created by Joel Sumow and Robert Cochran. Each episode will cover one hour of real time, and the season's entire story will take place in one day.
 Starring Kiefer Sutherland as Jack Bauer.
 9.00PM G ICC WORLD CRICKET
 9.30PM M THE FOOTY SHOW
 10.00PM G EMTV NEWS REPLAY
 10.30PM G KING OF QUEENS
 11.00PM G CHM SUPERSOUND
 Top Video countdown.
 Midnight Australia Network

FRAIDE 16MAS, 2007

5.29AM STATION OPEN
 5.30AM G JOYCE MEYER
 Religious programme
 6.00AM G TODAY
 9.00AM G CREFFLO DOLLAR
 Religious Program
 9.30AM CLASSROOM BROADCAST
 2.59PM STATION RE-OPEN
KIDS KONA
 3.00PM G THE EGGS
 3.30PM G HI-5

4.00PM G THE SHAK
 new time
 4.30PM G FOREIGN EXCHANGE (Return)
 4.57PM G EMTV TOK SAVE
 5.00PM G HOT SOURCE
 new time

5.29PM G EMTV NEWS UPDATE
 5.30PM G BERT'S FAMILY FEUD
 6.00PM G NATIONAL EMTV NEWS
 6.30PM G A CURRENT AFFAIR
 6.59PM G NEWS UPDATE IN TOK PISIN
 7.00PM G TEMPTATION
 7.30PM G FRIDAY NIGHT FOOTBALL: Storm vs Wests Tigers
 It's a whole new ball game in 2007. Two huge games in one big night!
 In round 1 of the NRL season, it's Storm vs West Tigers, from Melbourne.
 9.27PM G EMTV TOK SAVE
 9.30PM G IN MORESBY TONIGHT
 new time
 10.00PM G FRIDAY NIGHT LATE FOOTBALL: Broncos v Cowboys
 In the second game of the 1st round of the NRL season, its Broncos v Cowboys, from the Suncorp Stadium.

Midnight G EMTV NEWS REPLAY
 00.30AM Australia Network

SARERE 17 MAS, 2007


Australia Network continues....
 1.29PM STATION OPEN
 1.30PM G TOTAL RUGBY
 2.00PM G SUPER 14
 W.Force v Reds, from Perth
 4.00PM G THE CAR SHOW
 4.30PM G SOUTH PACIFIC GAMES: Live The Dreams
 4.45PM G GETAWAY MOMENTS
 5.00PM G ESCAPE WITH ET
 5.30PM G FISHING NORTH AUSTRALIA
 6.00PM G NATIONAL EMTV NEWS
 6.30PM G AUSTRALIA'S FUNNIEST HOME VIDEO SHOW
 7.27PM G EMTV TOK SAVE
 7.30PM G TOTAL RUGBY
 8.00PM G SUPER 14
 Super 14 action Waratahs v Stormers, from Sydney.
 10.00PM G ICC CRICKET WORLD
 10.00PM G KING OF QUEENS
 10.30PM G EMTV NEWS REPLAY

11.00PM G SOUTH PACIFIC MUSIC
 Midnight Australia Network

SANDE 18 MAS, 2007

Australia Network continues....
 8.29PM STATION OPEN
 8.30PM G BUSINESS SUCCESS
 9.00PM G SUNDAY
 11.00AM G SUNDAY FOOTY SHOW
 1.00PM G SURFSPORT
 2.00PM G BLACK & DUSTY
 3.00PM G THE PACIFIC WAY
 4.00PM G SUNDAY FOOTBALL: Titans v Dragons
 All the action of Round 1 of the NRL season Gold Coast Titans v St.George-Illawarra Dragons, from Brisbane.
 8.27PM G EMTV TOK SAVE
 8.30PM M SUNDAY NIGHT MOVIE: OCEAN'S TWELVE
 (2004 Comedy/Thriller/Thriller/Crime - Danny Ocean and the rest of a band of thieves and con men team for another three huge heists, but this time they're in three different locations, Rome, London and Berlin. Meanwhile, casino owner Terry Benedict, whom Ocean

Niupela LAND CRUISER 76



**5 DUA
10 SITA**


Biknem Strongpela Pawa bilong Toyota

- ✓ Pawa Striaring
- ✓ Ekondisening
- ✓ Snokel
- ✓ 4.2 lita 6 Silinda Disel ensin
- ✓ 90 lita Piul tenk
- ✓ Bodi i no inap ros
- ✓ I ken sindaunim 10-pela manmeri

76



✓ OI Alloy Wils (Laik bilong yu yet)



Your First Choice

RINGIM YOUR FIRST CHOICE BRENS BILONG YU TUDE

Port Moresby.. Ph 3229400
 Lae Ph 4781800
 Kokopo..... Ph 9829100
 Madang..... Ph 8522188
 Kavieng..... Ph 9842788

Goroka..... Ph 7321844
 Mt. Hagen.. Ph 5421888
 Kimbe..... Ph 9835155
 Lihir..... Ph 9864099
 Buka..... Ph 9739915

Wewak.... Ph 8562255
 Vanimo... Ph 8571254
 Tabubil... Ph 5489060
 Porgera.. Ph 5479367
 Alotau.... Ph 6410100



www.elamotors.com.pg



**ELECTORAL
COMMISSION**
Papua New Guinea



PABLIK NOTIS

ENROLMEN TOKSAVE I GO LONG OLGETA SITING MEMBA BILONG NESENEL PALAMEN

Olgeta siting Memba bilong Palamen i mas go na sekim ol Ritening Opisa (RO) insait long wan wan ilektoret bilong ol bai ol I MAS ENROL insait long nupela 2007 Priliminari Iektorel Rol. Sapos yu laik nominate na vot insait long Nesenel Palamen ileksen dispela yia, yu MAS enroll long Iektorel Rol nau.

Sapos nem bilong yu I NO rejista insait long 2005 na 2006 priliminari rol, mipela givim STRONGPELA askim olsem yu mas rejista nau bipo long isiu o opim bilong ol rit bilong jeneral ileksen long namba 4 de bilong mun Me.

Sapos yu stap insait long wanpela arapela ilektoret moa long sikspela mun em nau yu gat rait long enrol insait long dispela ilektoret. Enrolmen wok bilong 2007 Iektorel Rol nau i stap insait long namba tu hap bilong en insait long olgeta provins.

Plis lukim Provinsel Ileksen Menesa bilong yu, ol Distrik o LLG Opisa na sekim sapos nem bilong yu i stap long ilektorel rol.

SINGAUT I GO LONG OLGETA KENDIDET I RESIS LONG 2007 ILEKSEN

Iektorel Komisin nau i laikim olgeta wan wan manmeri husat bai resis long 2007 Jeneral Ileksen long givim ol dispela samting:

1. Baiodata (Stori bilong ol) taim ol i raitim bekim long Form 29.
2. Tupela paspot sais potu.
3. Na sapos em i klia, makim wanem pati afilesen o wanem pati yu bai sanap bihainim.

Yu mas kisim ol Form 29 long Ileksen Menesa o Ritening Opisa na yu mas bekim olgeta askim na givim i go bek bipo long namba 30 de bilong mun Mas.

Nau em i stap long lo pinis olsem olgeta kendidet i mas givim olgeta ol dispela samting bipo long ol rit pepa i go aut.

Dispela toksave i kam wantaim tok orait bilong:
ANDREW S. TRAWEN,
Iektorel Komisina.

LAE
BISCUIT CO.



WANTOK

SPTS


LAE
BISCUIT CO.



Isu 1703

Wan wik: Fonde Mas 15 - 21, 2007

REDI LONG NRL



NUPELA TIM: Senta bilong nupela NRL tim, Mathew Rogers i soim olsem stail bilong em long ragbi lig i stap yet long dispela trael gem bilong ol agensim Parramatta Eels long Lismore long Februari 24, 2007 we ol i win 22-10. Titans i redi long namba wan gem bilong ol long NRL dispela wiken agensim St George Illawarra Dragons long Suncorp stadium long Sande. Lukim moa NRL priviu na ripot long pes 37.

POTO: Dave Hunt/ AAP Image.

Eagles i gat wok

Mt Hagen kam bek long SP Kap

Kenny Pu i raitim

5-PELA Kumul na 8-pela SP kap pilaia i stap insait long 19-man trening skwat bilong nupela SP kap tim bilong Westen Hailans Provins, Kunjin Eagles.

Bikpela tingting bilong ol em long winim bek respek bilong provins olsem wanpela

biknem bilong ragbi lig.

Ol dispela biknem pilaia long tim i napim gut tim we i lukim Francis Ray na Jack Kilip, bipo kepten bilong Pagini Warriors Ezekiel Ben na Dusty Mockley husat i save go pas long LBC bombers na Agmark Guria, bai go pas long ol fowet bilong Eagles. Strongpela fowet

bilong Hailens zon, Sent Nonggor na bipo Eagles pilaia Stanley Akinu tu i stap insait long fowet pek bilong tim.

Fowet bilong Gomis, Alfred Usu i kisim ples wantaim bipo Kumul na Muruks bek row fowet, David Ako long strongim tim.

...moa long pes 31...

INSAIT DISPELA WIK

Ipera em nupela PNG boksing kosa

Pes 39



NSL go bikpela long 2007.

Pes 39



Brian Bell Kampani igat ol kain kain masin blong wok didiman long Papua Niugini. Mipela igat fetilaisa marasin tu na ol seeds blong ol kaikai na kumu long gaden olsem kabis, letis, anian, brocoli, tomato na planti arapela moa.

Brian Bell Kampani luksave olsem wok didiman em bun blong ol bikpela lain pipol long asples PNG. Mipela helpim na strongim dispela wok didiman longpela taim tru ikam inap nau tu.

Mipla sapotim wok didiman long Papua Niugini long gro bikpela



PLAZA 325 5411 HOMECENTRE CITY-GORDONS 325 8469 HOMECENTRE CITY-LAE 472 3200 TOPTOWN 479 1918
GOROKA 732 1622 KOKOPO 982 9027 MT HAGEN 542 1999 MADANG 852 1899 Email: bbsales@brianbell.com.pg









PASIN NOGUT


Ino ken wokim pasin nogut long Ileksen Taim

~~X~~ NOGUT



Ol Manmeri igat rait long vot long laik bilong ol. Em laik bilong Wan Wan










GUTPELA PASIN

Wokim Gutpela Pasin Long Ileksen Taim


GUTPELA



Wok wantaim Ilektoral
Komisin long kamapim
gutpela Genel Ileksen



Australian Government
AusAID



BANK OF PAPUA NEW GUINEA

NIUSPEPA TOKSAVE

1. OL KAPA MONI BILONG PAPUA NIUGINI

Mi laik toksave ken long pablik olsem strong bilong ol 1 na 2 toea kapa moni bai pinis long Epril 19, 2007. Dispela nau i minim olsem ol 1 na 2 toea kapa moni bai nogat moa luksave olsem moni. Mi laik toksave long husat manmeri i holim ol 1 na 2 toea kapa moni long kwik taim karim i go na givim bek long ol komesel benk brens inap long mak bilong 5 toea na senisim.

Mi laik toksave tu long pablik olsem olpela bikpela K1 hul moni em mipela bai stopim long kantri. Husat manmeri i holim ol olpela K1 hul moni i mas kisim i go bek long ol komesel benk brens na senisim ol.

2. OL LIP MONI

Mi laik toksave moa long pablik olsem Bank of Papua New Guinea i laik holim bek olgeta gutpela lip moni nau i raun i stap insait long kantri na strongim ol bai ol i ken bihainim mak bilong ol manmeri i yusim. Em bai ol i mas luk gutpela yet, i mas klin na i mas isi long holim na yusim, na tu, em i mas i gat dispela bikpela mak bilong lip moni sekyuriti we olgeta banis bilong em i strong yet na i klia yet long luksave na strongim piksa na nem bilong moni.

Long mekim dispela ol wok, pablik i ken helpim na givim bek wanem kain lip moni i no moa gutpela (we i bruk, i gat hul long en, i bagarap, we pen bilong em i lus, em i doti, i nogat moa strong na ol kona bilong em i bruk nabaut) i go long ol komesel benk brens na senisim ol wantaim ol nupela lip moni.

Ol lipmoni wantaim ol dispela hanmak olsem ol i soim insait long ol piksa long hansut i no gutpela long yusim moa, na i mas i go bek long ol benk na senisim.

L. WILSON KAMIT, CBE
GAVANA



(I OLPELA TRU NA I NO GUTPELA MOA)



(I BRUK)



(I OLPELA TRU)

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.